

KISHA, FAMILJA E PERËNDISË

Teksti nga

Paul Reid

Ilustrimet

Tim Shirey

Përkthyes:

Leonard Doka

JU LUTEMI VINI RE!

Vizualet për këtë seri mund të blihen në pjesën më të madhe të zyrave të BUF-it dhe në dyqanet në internet. Për një listë të zyrave të BUF-it dhe dyqaneve në internet në Evropë, ju lutemi vizitoni www.teachkids.eu/al dhe kliko mbi “Vendet”.

Bashkësia e Ungjillizimit të Fëmijëve
Child Evangelism Fellowship
Kutia Postare 249
Durrës
Albania



BUFSH

BASHKËSIA E UNGJILLIZIMIT
TË FËMIJËVE E SHQIPËRISË®

Copyright © 1995 European Child Evangelism Fellowship

Të gjitha të drejtat e rezervuara. Përdorur me leje.

Mund të riprodhohet vetëm për përdorim personal, shërbese, jofitimprurës ose jo-komercial. Vizitoni www.teachkids.eu/al për më shumë detaje mbi lejen e përdorimit.

HYRJE

JU DUHET TA LEXONI KËTË PARA SE TE FILLONI TE JEPNI MËSIM

Këto pesë mësimë janë shkruajtur veçanërisht për ata djem dhe vajza që e kanë njohur Zotin Jezus Krisht si Shpëtimtarin e tyre nëpërmjet dëgjimit të Ungjillit, por që nuk janë integruar ende në një kishë lokale.

Ka shumë mësimë të cilat do të jenë më të dobishme për të mësuar fëmijë nga moshë 9 deri 12 vjeç. Më të vegjlit do të kënaqen dhe do të përfitojnë nga këto mësimë, por ndoshta do t'ju duhet që t'i shkurtoni disa prej tyre.

Mbase fëmijët e dëgjuan lajmin e mirë në një klub, në një takim të hapur në natyrë apo në një kamp. Një nga përgjegjësitë që ju keni tani si mësues është t'i jepni këtyre foshnjave në Krisht udhëzime mbi doktrinën e Kishës. Ju duhet t'i mësoni atyre rëndësinë e frekuentimit të Shkollës të së Dielës dhe shërbesave të një kishë lokale, ku ata mund të adhurojnë Perëndinë, dëgjojnë Fjalën e Tij, të kenë shoqëri të krishterë dhe t'i shërbejnë Krishtit.

Unë do të doja të jepja disa sugjerime praktike që mund t'ju ndihmojnë t'i drejtoni këta fëmijë të shpëtuar, por që nuk bëjnë pjesë në një kishë, në një bashkësi lokale që i qëndron besnike Fjalës së Perëndisë.

1. *Binduni në mendjen tuaj që është Biblike dhe e nevojshme për fëmijët që të shkojnë në kishë dhe Shkollën e së Dielës.*

Mësimi i Shkrimit është i qartë në këtë aspekt. Ne kemi **shembullin e të krishterëve të hershëm** që adhuronin, luteshin dhe shërbenin si një kishë dhe jo si individë të veçuar.

Pjesa më e madhe e **letrave të Dhiatës së Re** janë shkruajtur ndaj një trupi besimtarësh- në Romë, Kolose, në Korint. Madje edhe letrat drejtuar individëve (si 1 dhe 2 Timoteu dhe Titit) janë shkruar në një kontekst kishë, ku këto ishin drejtues të kishave.

Ka **nxitje specifike** si te Hebrenjve 10:25, "Pa hequr dorë nga të mbledhurit bashkë tonin, sikurse kanë zakon disa..."

Është e qartë se fëmijët që janë të shpëtuar kanë nevojë për shoqërinë e kishës lokale, që të rriten e të bëhen të krishterë të fortë dhe të pjekur.

Çdo fëmijë i krishterë ka gjithashtu ndonjë dhunti nga Fryma e Shenjtë me të cilën mund të pasurojë, dhe t'i japë një shërbesë Kishës së Krishtit. Jo vetëm fëmijët kanë nevojë për Kishën; **Kisha ka nevojë për fëmijë** që e njohin Zotin.

2. *Lutuni specififikisht dhe besnikërisht për fëmijët që nuk shkojnë në kishë që ata të përfshihen në kishën tuaj, apo në ndonjë kishë tjetër të mirë që është besnike ndaj Fjalës së Perëndisë.*

3. *Mësojini fëmijëve çfarë Bibla tregon rreth Kishës.*

Ju mund të përdorni pesë mësimet që ndodhen në këtë libër.

Por megjithatë nuk është e mundur që të mësohet e gjithë ajo që duhet të dihet për kishën edhe në nivelin e fëmijës.

Ju mund të mësoni aspekte të tjera të kësaj teme prej asaj që keni vjelë nga Fjala e Perëndisë.

4. *Mundohu të njohësh prindërit e fëmijëve.*

Ka mundësi që prindërit të mos duan t'i lënë fëmijët e tyre të vijnë me ju në kishë, derisa të njihen mirë me ju dhe të kenë krijuar besim tek ju. Prezantojeni veten tuaj, tregojini atyre se sa shumë ju pëlqen t'i ndihmoni fëmijët e tyre. Shfrytëzoni rastet që do t'ju japë Perëndia për ta kultivuar miqësinë e tyre.

5. *Përpiquni të jeni një mik i vërtetë me fëmijët.*

Do të jetë më e lehtë për t'i marrë me vete fëmijët të dielën, në se keni fituar miqësinë e tyre në mënyra të tjera, dhe atyre u pëlqen shoqëria juaj, jo thjesht si mësues i klubit, por si një mik i mirë. Për shembull, ju mund t'i merrni ata rastësisht për një udhëtim një të shtune, ose mund të ftoni disa për një çaj në shtëpinë tuaj herë pas here.

6. *Merrini fëmijët me vete në kishë.*

Është e qartë se po t'i marrësh ata me vete të Dielën në mëngjes, ka më shumë të ngjarë që fëmijët do të marrin pjesë, se sa t'i inkurajoni ata që të shkojnë në kishë me iniciativën e tyre.

Ju mund të ecni me ta, ose mund t'i shoqëroni në autobus, sipas rastit. Disa kisha kanë autobusë të vegjël që shkojnë e mbledhin fëmijë dhe i çojnë ata në shtëpi pas Shkollës të së Dielës dhe kishës.

Një sqarim: Në se klasa e juaj e fëmijëve është nën kujdesin e BUF-it, kujtoni atë që është një organizatë ndërdenominacionale që punon me besimtarë nga vende të ndryshme. Këto mësimet janë shkruar veçanërisht për fëmijët e paarritur në mendje. Nëse nxënësit tuaj janë duke frekuentuar tashmë një kishë apo një Shkollë të së Dielës, mos u përpiqni t'ju mbushni mendjen që ta lënë atë dhe të shkojnë tek një tjetër. Keni kujdes që të mos kritikoni ndonjë kishë në qytetin tuaj apo të nxisni një shpirt kritikimi negativ tek fëmijët.

7. Përfshini persona të tjerë për t'i çuar fëmijët në kishë dhe në Shkollën e së Dielës.

Mund të mos jetë e mundur për ju që ta merrni secilin fëmijë që doni, kur të shkoni në kishë. Persona të tjerë, për shembull të rinjtë, mund të ndihmojnë për t'i thirrur, shoqëruar ata dhe për t'i përcjellë në shtëpi-ndoshta edhe duke i ftuar me raste të Dielave për drekë. Ajo do të ishte një shërbesë e vërtetë.

8. Prindërit mund të duan të shkojnë në kishë me fëmijët e tyre.

Fatkeqësisht shumë prindër kanë pak interes për të shkuar në kishë. Ftojini ata patjetër, jo vetëm një herë, por herë pas here, veçanërisht kur ka diçka me interes për ta në shërbesat e të Dielës.

9. Ndihmojini fëmijët që të krijojnë miqësi të reja në kishë dhe në Shkollën e së Dielës.

Sapo ata të kenë filluar të frekuentojnë kishën, prezantojini ata me fëmijë të tjerë të moshës së tyre, dhe ndihmojini që të zënë miqësi. Do të ishte mirë që të organizonit disa aktivitete për një grup të vogël fëmijësh nga kisha, bashkë me disa të rinj, që ata të arrijnë ta njohin njeri tjetrin më mirë dhe të kenë miq të rinj. Për shembull, merrini ata për të notuar, ose për një piknik, ose ftojini në shtëpinë tuaj për darkë, etj. Gjithashtu inkurajo të krishterë të tjerë të rritur që të përshëndesin fëmijët e rinj dhe t'i bëjnë ata të ndjehen të mirëpritur.

10. Në se ju jeni një drejtues në kishë ose mësues në Shkollën e së Dielës, bëni atë që keni mundësi që të siguronit një program të mirë dhe interesant që i disponohet fëmijëve.

Në se mërzhiten nga një rutinë monotone në kishë, do të jetë me të vërtetë shumë e vështirë për ta që të jenë entuziastë për të marrë pjesë çdo javë.

PËRMBAJTJA E MËSIMIVE

Ju lutemi t'i lexoni këto faqe para se të jepni mësimin e parë. Ju do të keni një ide më të mirë të planit tuaj për javët e ardhshme. Do të ishte mirë të merrnit një javë të gjashtë për përsëritje. Kërkoni për ide të mëtejshme. Një hartë është e përfshirë në pjesën e prapme për të treguar vendndodhjet e ndryshme të kishës së hershme.

VARGJE TE SHKRIMEVE

Në fund të manualit ndodhet një listë e të gjitha vargjeve të cituara në

mësimet. Ju mund të dëshironi t'i fotokopjoni këto faqe të Shkrimit me vargjet e cituara kështu që nxënësit tuaj të jenë të aftë të lexojnë vargjet përkatëse ndërsa mësimi shpaloset. Nëse ju do të preferonit një version të ndryshëm ju mund ti shtypnit vargjet përsëri. Nëse fëmijët kanë të gjithë Bibla dhe mund t'i gjejnë lehtësisht referencat, faqet shtesë mund të mos jenë të nevojshme. Pothuajse shumë nga vargjet janë të përdorura në mësimet. Për të mbajtur vëmendjen e fëmijëve, lërin ata të marrin pjesë duke lexuar disa nga vargjet dhe duke iu përgjigjur pyetjeve të shkurtra rreth asaj çfarë kanë lexuar. Nëse fëmijët janë të vegjël, mund të mos i lexoni disa nga këto vargje.

MËSIMI 1

Kisha është e gjallë- Trupi i Krishtit; një Ndërtesë, Nusja, Familja e Perëndisë.

MËSIMI 2

Kisha në Jeruzalem-adhuronte, kujdesej, lutej.

Një studim i shkurtër i Veprave 2:40-47, Veprave 6:1-7 dhe 12:1-19 që sjell tre aspekte të aktivitetit të Kishës në Jeruzalem: adhurimin e Perëndisë, kujdesjen për nevojtarët, lutjen për të tjerët (në këtë rast, kur Pjetri ndodhej në burg).

MËSIMI 3

Kisha në Antiok-predikonte, jepte, dërgonte misionarë. Veprat 11:19-30, 13:1-4.

MËSIMI 4

Kisha në Troas- përkujtonte vdekjen e Zotit, studionte, kishte miqësi. Veprat 20:6-12.

Në mësimet 2,3 dhe 4 një fjalëkryq përdoret.

Në fund të hyrjes ne kemi shtypur dy diagramë të Kishës; një me fjalëkryq që t'ja paraqisni fëmijëve në fillim të këtyre kapitujve. Tjetri, kur i keni plotësuar të tre kapitujt. Ju mund të fotokopjoni diagramin e parë që fëmijët të mbushin fjalët që mungojnë. Temat trajtohen pak a shumë sipas një renditjeje historike, ashtu siç i shohim në disa pjesë të librit të Veprave. Për këtë arsye fjalët nuk plotësohen sipas renditjes së gërmave në fjalëkryq.

Ndryshe, ju mund të doni të kopjoni diagramin te një tabelë apo karton. Në atë rast, nëse doni, mund të përdorni gërmat e fjalëve "kisha jonë" për t'i ngjitur në karton një nga një në kohën e duhur.

MËSIMI 5

Kisha në luftë-sulmet e Satanit kundër Kishës nëpërmjet persekutimit, doktrinës së rreme, ndarjeve. Veprat 19:1-41, Veprat 20:15-20, 27-38.

Një nga qëllimet e këtij mësimi është t'i këshillojë fëmijët që Kisha nuk është e përsosur, ndërsa është e formuar nga qenie njerëzore të papërsosura. Mund të ketë mësimet të rreme, grindje apo gabime të tjera. Në të njëjtën kohë

ne duam të sigurojmë kriter që ata ta zgjedhin një kishë të mirë kur të rriten dhe do t'ju duhet ta ndërmarrin këtë zgjedhje shumë të rëndësishme.

MËSIMI 6 PËRSËRITJE

Pasi t'i keni dhënë këto mësimë, do t'ju inkurajoja që të merrni pjesën e gjashtë para se të filloni ndonjë seri tjetër mësimesh. Jepen shumë mësimë në pesë mësimet. Në këtë pjesë, ju mund të doni të mësoni disa nga ato aspekte me të cilat nuk kishit kohë për t'u marrë gjatë javëve të kaluara.

Edhe sikur t'i kishit mbuluar përmbajtjet e pesë mësimëve, do të ishte mirë të përsërisnit disa nga aspektet e mësimit. Ja ku janë disa propozime të mëtejshme për këtë pjesë të fundit:

1. Përdorni pyetjet e përsëritjes që ndodhen pas çdo mësimi, që të keni një konkurs më të gjatë se zakonisht.

2. Merruni me përgjigjen e pyetjeve që fëmijët kanë vënë në "Kutinë e Pyetjeve". Që nga fillimi i kësaj serie inkurajoni fëmijët që t'i vënë pyetjet në kuti për t'iu përgjigjur pasi pesë mësimet janë dhënë. Për t'i inkurajuar fëmijët që të mendojnë për pyetjet, ju ndoshta duhet t'i shkruani vetë pyetjet e para dhe t'i lexoni ato(duke mos i treguar se i keni vënë në kuti). Për shembull, ju mund të pyesni:
 - i. A duhet të shkoj në kishë dhe në Shkollën e së Dielës apo vetëm në Shkollën e së Dielës?
 - ii. Pse disa ndërtesa kishe kanë shigjeta kulle dhe kambanore?
 - iii. A duhet të gjunjzoheni për t'u lutur në kishë?
Sigurohuni që t'i keni lexuar pyetjet më parë dhe të gjeni përgjigjet e duhura.

Pyetjet në kuti mund të zgjidhen meqë bëjnë pjesë në grupe të ndryshme që trajtojnë subjekte të ndryshme.

3. Bëni një mbrëmje të vogël me disa rifreskime dhe çmime për mësimin e vargjeve përmendësh, apo për aktivitete të tjera.

Mund të jetë e dobishme të kesh një pyetësor, në të cilin nxënësit shkruajnë përgjigjet e pyetjeve. Ky aktivitet mund t'ju ndihmojë që të njihni më mirë gjendjen e fëmijëve në lidhje me shkuarjen në kishë; mund t'ju udhëheqë gjithashtu që t'i jepni ndihmën për të cilën ata kanë nevojë. Ky aktivitet do të kishte efekt te fëmijët më të rritur.

Lexojini përgjigjet në klasë dhe diskutojini ato me fëmijët.

Për pyetësorin ju mund të përdorni pyetje të tilla:

- i. A shkoni në kishë? Po të jetë kështu, në cilën?

- ii. A ishit atje këto dy të Dielat e fundit? Po/Jo.

- iii. A ishin prindërit tuaj atje dy të Dielat e fundit? Po/Jo
- iv. Ne se nuk shkoni në ndonjë kishë, a do të donit të shkonit me mua (me veturë) në kishën tonë? Po/Jo
(Natyrisht, unë do të flas me prindërit tuaj për këtë).
- iv. A ju pëlqejnë mësimet në kishë? Po/Jo thoni pse.
- v. Cila pjesë ju pëlqeu më shumë?

MËSIMI PËRMEDESH

Gjatë javëve që ju po i mësoni këto seri mësimesh, fëmijët mund të mësojnë vargjet e mëposhtme kyçe:

Efesianët 5:25b "Krishti ka dashur kishën dhe e ka dhënë veten e vet për të."

Efesianët 5:23b "Krishti është kreu i kishës, dhe Ai vetë është Shpëtimtari i trupit."

Hebrenjve 10:25a "Pa hequr dorë nga të mbledhurit bashkë tonin, sikurse kanë zakon disa"

RËNDËSIA E KËSHILLIMIT PERSONAL

Këto mësimet janë shkruajtur kryesisht për fëmijë të shpëtuar, me synim që t'i mësojmë atyre diçka nga doktrina e kishës, dhe t'i ndihmojmë ata që të fillojnë të shkojnë në një kishë të mirë dhe të shëndoshë.

Disa mësimet janë përfshirë gjithashtu për të pashpëtuarit. Ju mund të përfshini më shumë mësim ungjillizues në pjesë të tjera të programit-për shembull, në një tregim misionar apo edhe gjatë këndimit të këngëve: ju mund të paraqisni dhe të shpjegoni këngë që japin Ungjillin.

Ju mund të jeni të gatshëm gjithashtu për të folur me ndonjë fëmijë që dyshon apo ka pyetje dhe dëshiron ndihmë shpirtërore. Nuk ka rëndësi nëse fëmija është i shpëtuar apo jo, ai duhet ta ndjejë që do të jetë i mirëseardhur po të vijë te ju, si mësues i tij për këshillim personal.

Në një farë pike të mësimet, ose në një pjesë tjetër të programit, ju mund të thoni diçka të tillë: "Ne se e njihni Zotin Jezus si Shpëtimtarin tuaj, por keni një problem të veçantë të cilin do të donit ta ndanit me mua, unë do të jemi gëzuar të flas me ju. Pas mësimet, unë do të jem nga fundi duke u ndarë me fëmijë të tjerë. Ti eja tek unë dhe tregomë që dëshiron që të flasim pak."

Ju mund të thoni gjithashtu, "Janë disa djem dhe vajza në klasë, të cilët, për aq sa unë

jam në dijëni, nuk e kanë kërkuar ende Krishtin të jetë Shpëtimtari i tyre personal. Ndoshta gjatë këtyre javëve të kaluara, ju e keni kuptuar që nuk jeni pjesë e familjes së Perëndisë, që jeta juaj nuk është themeluar mbi Zotin Jezus Krisht. A jeni duke menduar vërtet seriozisht që të ktheheni nga Zoti dhe t'i kërkonti t'ju shpëtojë? Unë shpresoj se ju po mendoni për këtë, por ndoshta ju nuk jeni aq të sigurt se si ta ndërmerri këtë hap që është aq i rëndësishëm. Unë do të isha shumë i gëzuar për të folur me ty vetëm për vetëm. Mos ki frikë! Kur fëmijët e tjerë të kenë dalë nga klasa, eja dhe ulu në një nga karriget që janë nga fillimi dhe po të të shoh që ulesh atje, unë do të vij menjëherë dhe do të flas me ty rreth kësaj çështjeje shumë të rëndësishme se si të shpëtohesh dhe të bëhesh një pjesëtar i familjes së Perëndisë."

STRUKTURA E MËSIMEVE

Për ata që janë mësuar me mësim të publikuara nga BUF-i, ne duam të tregojmë që këto mësim kanë një strukturë dhe përmbledhje të ndryshme. Secili mësim nuk është i ndërtuar mbi një tregim Biblik , por mbi disa vargje të Shkrimeve. Si rrjedhim nuk ka një zhvillim interesi ndaj një pike kulmore. Aktivitete të ndryshme për të nxitur të mësuarit janë përfshirë. Këto janë veçanërisht të zbatueshme kur i jepni mësim fëmijëve më të rritur.

MËSIMI 1

KISHA ËSHTË E GJALLE

-Trupi i Krishtit; një Ndërtesë, Nusja, Familja e Perëndisë.

VARGJE PËR TU LEXUAR DHE STUDIUAR NGA MËSUESI

Efesianëve 5:22-32; Romakëve 12:4-8; 1 Kor.12:12-31; Efes.2:19-22;
1 Kor.3:11; Zbulesa 19:7-9

VARGU PËR MENDESH

"Krishti e ka dashur kishën dhe e ka dhënë veten e Tij për të."
Efesianëve 5:25b.

KËSHILLA PËR PËRFSHIRJEN E FËMIJËVE NE TE MËSUARIT

a. Janë një sërë pyetjesh në tekst. Ju lutemi përdorini ato dhe të tjera që mund t'ju vijnë në mend. Kujtoni që duhet t'i jepni kohë fëmijëve për të menduar rreth tyre dhe të gjeni përgjigjen.

b. Vargje kyçe lexohen gjatë mësimit. Megjithëse ju, si mësues, mund t'i lexoni këto vargje me zë të lartë, do të ishte më mirë nëse disa nga fëmijët më të rritur ose ndihmësit t'i lexojnë ato.

Ju duhet t'ia jepni referencat atyre më parë në mënyrë që të kenë mundësi për të kërkuar vargjet dhe të lexojnë ato me zë të lartë. Kini kujdes që të mos i vini në pozitë të vështirë ata fëmijë që kanë probleme me të lexuarit.

Ju mund t'i incizoni fëmijët që do të lexojnë vargjet në një kasetë, dhe në kohën e duhur të mësimit shtypni butonin e ndezjes. Elementi befasues do ta ndihmojë klasën që të dëgjojë mirë.

c. Nga fundi i këtyre mësimeve është një "lojë" e vogël me fjalë të lidhura. Këto fjalë mund të shkruhen mbi një tabelë (ose karton me shënues). Nëse zgjidhni t'i shkruani fjalët mbi një tabelë, një nga nxënësit le t'i shkruajë fjalët që përpara.

d. Një fëmijë më i rritur i zgjedhur mund të lexojë pyetjet

e përsëritjes dhe shënoni rezultatet e skuadrave.

E VËRTETA QENDRORE

Të gjithë ata që i besojnë Krishtit për shpëtim janë natarë të Kishës së vërtetë.

VQSH: Ju duhet ta doni dhe t'i bindeni Krishtit, Kreut të Kishës.

VQPSH: Besoni te Krishti që edhe ju të bëheni një anëtar i Kishës së Tij.

HYRJA

Ç'është Kisha?

ZHVILLIMI I MËSIMIT

Hyrja: "Kur ne shohim shumë dele....."

- 1-1 Kisha është si një Trup
- 1-2 Krishti është Kreu i Trupit-Ai kontrollon dhe udhëheq. VQSH
- 1-3 Kisha është si një Nuse
- 1-4 Krishti është Dhëndëri që e do Kishën. VQSH
- 1-5 Kisha është si një Ndërtesë.
- 1-6 Krishti është themeli i Ndërtesës VQSH dhe VQPSH
- 1-7 Kisha është si një Familje
Loja e lidhjes së fjalëve.
- 1-8 Zbatime përfundimtare VQSH
Përfundimi: Pyetje

HYRJA

Kur ne shohim shumë dele së bashku, ne flasim për një tufë delesh. Kur janë disa lopë së bashku ne flasim për një ...? (kope). Po për peshq? (një tufë). Po për ata që luajnë futboll? (një skuadër). Po për të krishterët?
Cili është emri që i japim një grupi të krishterësh kur ata takohen dhe punojnë së bashku? Ne e quajmë kishë. Gjatë javëve të ardhshme ne do të flasim rreth këtij subjekti shumë të rëndësishëm-rreth Kishës. Dhe ne do të mësojmë pak rreth asaj çfarë Bibla mëson për të.

Sot ne do të mendojmë rreth pyetjes, "Ç'është Kisha?" Po t'ju pyesja juve që t'i përgjigjeshit kësaj pyetjeje ma do mendja se ju do të thoni, "Oh, është ndërtesa e madhe me tulla ku ne shkojmë të Dielave." Po, kjo është një përgjigje, por Bibla i

përgjigjet pyetjes ndryshe, duke na dhënë katër ilustrime apo tablo të mrekullueshme në fjalë për Kishën.

(Mësuesi, ose ju, ndihmësi juaj, apo një fëmijë të lexojë vargjet) Le të lexojmë dy vargje nga Bibla dhe unë dua që ju të dëgjoni me kujdes. Mundohuni të zbuloni cila është gjëja e parë që Bibla na tregon rreth Kishës. Është si një....(Lexoni Romakëve 12:4,5)(Jepini kohë fëmijëve të përgjigjen)

FIGURA 1-1

Po, është si një TRUP. Ç'është një trup? Një pyetje më e përshtatshme mund të jetë, çfarë e përbën një trup? (Prisni për përgjigje. Ju po prisni përgjigje të tilla si këmbët, duart, krahët, koka, bërrylat, kofshët, gjunjët). Ashtu është. Këto janë pjesë që përbëjnë një trup të tërë.

Çfarë kuptimi ka pra Rom.12:4,5? Për çfarë lloj trupi po flet Pali? Për një trup njerëzor? Le ta shpjegoj. Siç e pamë, trupi është i përbërë nga duart, këmbët, zemra, mushkëritë dhe shumë pjesë të tjera. Po ashtu, ata që i besojnë Krishtit dhe e duan Atë janë si pjesë të një trupi të madh. Ju nuk mundta shikoni, por ne të gjithë i përkasim të njëjtit trup ashtu si gjymtyrët e një trupi njerëzor.

A mendoni se të gjitha gjymtyrët e trupit kryejnë të njëjtin funksion? Le ta dëgjojmë përsëri përgjigjen e Perëndisë ndaj kësaj pyetjeje. (Lexoni 1 Kor.12:14,15,16):"Sepse edhe trupi nuk është një gjymtyrë e vetme, por shumë. Sikur të thoshte këmba: Mbasi nuk jam dorë, unë nuk jam pjesë e trupit, mos për këtë nuk është pjesë e trupit? Dhe sikur veshi të thoshte: Mbasi nuk jam sy, unë nuk jam pjesë e trupit; mos për këtë nuk është pjesë e trupit?"

Kështu është. A është këmba e rëndësishme për ju? A është veshi i rëndësishëm për ju? Secila pjesë e trupit është shumë e rëndësishme dhe ka një funksion të veçantë për të kryer. Dhe ashtu si këmba dhe veshi janë të rëndësishëm në trupin njerëzor, çdo person në Kishë është i rëndësishëm. Ne të gjithë kemi nevojë për njeri tjetrin dhe kemi një punë për të kryer.

FIGURA 1-2

Kreu i një trupi fizik është aty ku truri ndodhet. Është truri që i jep urdhra krahëve, këmbëve, dhe duarve. Nëse trupi juaj do që të ulet, për shembull, truri duhet t'i dërgojë një mesazh muskujve të këmbëve dhe kurrizit për t'i bërë ato të lëvizin dhe të përkulen në mënyrën e duhur, që kështu ju të uleni. Truri gjithashtu i drejton sytë për të parë se ku jeni duke shkuar, që kështu të mos rrëzoheni. Çfarë do të ndodhte sikur sytë tuaj të shihnin në një drejtim dhe këmbët të shkonin në një drejtim tjetër? Ju shpejt mund të rrëzoheni, apo jo?

Tani, cili është Kreu i Trupit të Kishës dhe kush i jep urdhrat të krishterëve që ata të dinë çfarë të bëjnë dhe ku të shkojnë? Le ta lexojmë përgjigjen nga Bibla. Dëgjoni me kujdes dhe zbuloni se kush është. (Lexoni Ef.5:23: "Krishti është kreu i kishës; dhe Ai vetë është Shpëtimtari i trupit.")

Po, Zoti Jezus është kreu i Trupit. Zoti Jezus është Ai të Cilit të gjithë gjymtyrët duhet t'i binden. Nëse ju jeni një i krishterë i vërtetë, atëherë jeni një gjymtyrë e Trupit të Krishtit, Kishës. A dëgjoni çdo ditë çfarë Jezus Krishti Kreu, ju thotë? A e lexoni Fjalën e Tij dhe i dëgjoni udhëzimet e Tij duke iu bindur Atij? Unë shpresoj se e bëni këtë çdo ditë; është shumë e rëndësishme.

(Mësues, sigurohu që të kesh shënimet e leximit të Biblës në disponim dhe tregoji fëmijëve si t'i përdorin ato).

Një i krishterë me emrin Jonathan, i cili donte me të vërtetë të tregonte rreth Zotit Jezus, po udhëtonte një natë në një veturë. Shoferi ishte shumë i lodhur dhe e mori gjumi. Vetura devijoi përmes rrugës dhe u përplas me një skodë që po vinte nga drejtimi i kundërt. Gjatë këtij aksidenti Jonathani u dëmtua rëndë. Shtylla e tij kurrizore u dëmtua. Që nga ajo kohë, ai nuk ka mundur të ecë dot por i duhet të përdorë një karrige.

Ndërsa qëndron i ulur në atë karrige, ndonjëherë këmbët e tij lëvizin në një mënyrë të pakontrollueshme. Jonatani shpjegon, "Ato nuk bëjnë atë çfarë unë dua që të bëjnë për shkak se lidhja midis tyre dhe trurit tim nëpërmjet shtyllës kurrizore është e dëmtuar. Kjo është çfarë ndodh kur një i krishterë bën çfarë dëshiron pa dëgjuar urdhrat e Krishtit Kreut të Trupit." Sigurohuni që ju e dëgjoni Zotin Jezus që ju të bëni çfarë Ai thotë dhe të mos jeni si një këmbë apo dorë që po shtyhet jashtë kontrollit.

Bibla nuk e krahason Kishën vetëm me një Trup të gjallë, por gjithashtu me diçka tjetër. Dëgjojeni këtë varg dhe ju do ta zbuloni tablonë tjetër në fjalë. (Lexoni Zbulesa 19:7 "Le të gëzohemi dhe të ngazëllohemi dhe le t'i japim Atij lavdi, sepse erdhi dasma e Qengjit dhe nusja e tij është përgatitur."

FIGURA 1-3

Po, Kisha është si një NUSE, duke pritur për ditën e dasmës kur dhëndëri apo burri do të vijë ta marrë atë për të jetuar me Të në shtëpinë e Tij.

Tani, cili mendoni ju është Dhëndëri? Po, Zoti Jezus Krisht. Në vargun që lexuam Ai është quajtur Qengji. Ky është një nga emrat që i është dhënë Krishtit sepse Ai vdiq si një qengj për mëkatet tona.

Kur ju mendoni për një dasmë - për një nuse dhe dhëndër që po martohen-cila është fjala që ju vjen në mendje menjëherë? Ëmbëlsira e dasmës? Unaza e dasmës? Akoma më e rëndësishme është fjala "dashuri". Këta dy njerëz e duan me të vërtetë njëri tjetrin, dhe duan të martohen dhe të jetojnë së bashku, të kujdesen për njëri tjetrin dhe ta lumturojnë njëri tjetrin.

Një i ri i quajtur John kishte rënë në dashuri me një vajzë që quhej Klara me të cilën ai donte të martohej. Ai nuk po fitonte shumë para por donte t'i tregonte Klarës sa shumë e donte. Ai kurseu nga paratë e tij për disa muaj. Një ditë ai mundi të shkonte tek argjendari dhe bleu një dhuratë të këndshme për nusen e tij të ardhshme. Në ditëlindjen e saj ai ia dha asaj. Ju mund ta përfytyroni kënaqësinë kur ajo hapi pakon e

vogël dhe gjeti brenda saj një gjerdan të mrekullueshëm prej perle! Kështu Johni e provoi që e donte Klarën. Si e provoi Zoti Jezus që e donte Kishën? Vargu i sotëm përmendësh na

tregon si na e provoi që na do. Le ta përsërisim(Efes.5:25b). Ashtu është, Ai vdiq në kryq për mëkatet tona. Pse? Sepse ju dhe unë meritonim që të ndaheshim përgjithmonë nga Perëndia. Ne nuk i jemi bindur Perëndisë, i kemi shkelur ligjet e Perëndisë dhe Ai thotë që ne duhet të dënohemi. Kështu pra pse vdiq Krishti? Nëse Krishti nuk do të kish vdekur për ne, ne nuk do të faleshim prej Perëndisë. A është sot dashuria e Krishtit për Kishën aq e fortë sa ç'ishte në kohën kur Dhiata e Re u shkruajt, qindra vjet më parë? Po. Ai ju do aq shumë sot aq sa deshi njerëzit në Efes. Ai është Dhëndëri i Kishës dhe Ai e do Kishën. Ai ju do. Në se ju i keni besuar Krishtit dhe mëkatet ju janë falur, Ai do gjithashtu që edhe ju ta doni Atë, ashtu si një nuse e do burrin e saj dhe do ta kënaqë atë.

FIGURA 1-4

Ku është shtëpia e Zotit Jezus Krisht, Dhëndëri qiellor? Natyrisht, ju e dini përgjigjen! Në Qiell! Ashtu është. Atje ndodhet Ai tani; por ne kemi premtimin e Tij se një ditë Ai do ta lejë atë shtëpi të mrekullueshme për t'u kthyer në tokë. Për çfarë? Ai do të vijë këtë herë për të takuar Nusen e Tij, Kishën-që përbëhet nga të gjithë ne që i përkasim Atij dhe e duam Atë. Atëherë Ai do të na marrë me Vete në pallatin e Tij të lavdishëm në qiell. Kur të gjithë ne që e duam Atë do të jemi në Qiell, Bibla na tregon që do të ketë një festë të madhe dasme, si një pritje dasme-por shumë më e mrekullueshme dhe e lumtur.

Ne nuk e dimë kur Zoti Jezus do të kthehet në tokë. Por Ai na ka thënë që të jemi gati. Si mund të jemi gati? Duke e dashur Atë, duke iu bindur Atij, duke bërë gjërat që e kënaqin Atë. Një nuse do ta kënaqë dhëndërinë e saj. Një nuse pret gjithnjë ta shohë dhëndërinë e saj. A je duke e dashur Zotin Jezus dhe po bën vullnetin e Tij? A je duke përitur me padurim i ngazëlluar për ta parë Atë?

Deri tani ne kemi menduar rreth dy tablove Biblike të Kishës. Cilat janë ato? (Po, Trupi dhe Nusja). Tani, ne do të shohim tablonë e tretë. Mundohuni ta zbuloni atë tek do të lexojmë nga Bibla. (Lexoni Efes.2:20,21): "Të ndërtuar mbi themelin e apostujve dhe të profetëve, duke qenë Jezus Krishti vetë guri i qoshes, mbi të cilin gjithë ndërtesa, e lidhur mirë, rritet për të qenë një tempull i shenjtë në Zotin." Po, Kisha, trupi i besimtarëve, krahasohet këtu me një ndërtesë.

FIGURA 1-5

Për ç'lloj ndërtesë është fjala këtu në Bibël? Është një ndërtesë e bërë me gurë, tulla dhe llaç? Jo, nuk është ashtu. Vargu që lexuam na thotë që Zoti Jezus Krishti është "guri i qoshes i themelit." "Një gur i qoshes i themelit" është një gur i madh në themelin ku dy mure bashkohen. Një peshë e madhe qëndron mbi të. Pa një gur qosheje një ndërtesë do të bjerë. Na mëson që Zoti Jezus Krishti është Ai në të cilin të gjithë të krishterët besojnë dhe mbështeten. Në se nuk do të kishte qenë Zoti Jezus Krisht dhe vdekja e Tij në kryq për mëkatet tona, nuk do të kishte patur Kishë.

Por cilët janë "gurët" që e përbëjnë ndërtesën? Ju, unë, dhe të gjithë ata që i besojnë

Zotit Jezus për shpëtim janë "gurët". Natyrisht ne nuk jemi gurë të vdekur por të gjallë, të gjithë kemi vendin tonë në Kishë.

Çfarë lloj ndërtese është? Le ta lexojmë vargun 21 përsëri. A e shihni përgjigjen e pyetjes? Është një "tempull i shenjtë." Pse e quan kështu Perëndia? Përgjigjja ndodhet në vargun 22. Mundohuni ta kuptoni. Thotë, "Ne të cilin edhe ju jeni bashkëndërtuar për të qenë një banesë e Perëndisë në Frymë". Kjo do të thotë që Perëndia jeton në këtë ndërtesë nëpërmjet Frymës së Tij të Shenjtë.

A nuk është e mrekullueshme që Perëndia jeton në çdo besimtar që e përbën Kishën? Meqë Perëndia jeton në ne, Kishën e Tij, kuptohet që Ai dëshiron që ne të jemi të shenjtë dhe të pastër. Në fakt, ajo ndërtesë me tulla dhe llaç që ne e quajmë "kishë," nuk është ndërtesa reale që Perëndia shikon! Ai shikon një tempull të shenjtë ose një ndërtesë të bërë nga njerëzit.

Shumë vite më parë Mbreti i një vendi duhet të bënte një udhëtim. Në rrugë e sipër ai vendosi të qëndronte në shtëpitë e njerëzve të zakonshëm për të parë si jetonin. Gjatë gjithë rrugës në të cilën mbreti po udhëtonte, njerëzve u ish treguar, "mbreti po kalon nga kjo rrugë dhe ai do të qëndrojë në shtëpitë e njerëzve."

Kur banorët e atyre qyteteve e dëgjuan këtë, ata filluan të përgatitin shtëpitë e tyre për të pritur mbretin në qoftë se do të vendoste të qëndronte me ta. Ata lyen dyert dhe dritaret, pastruan dyshemetë dhe orenditë shtëpiake. Perdet dhe mbulesat e tavolinës u lanë dhe gjithçka u përgatit. Jo të gjithë do ta kishin privilegjin për ta pritur mbretin, por të gjithë donin të ishin gati, në se do të kishin rastin për ta patur atë në shtëpinë e tyre.

Mbreti i Mbretërve jeton në zemrën e TE GJITHË besimtarëve, jo vetëm te disa nga ata. Ai nuk kalon thjesht për një ditë, por Ai QËNDRON gjithnjë me ta. A është zemra juaj si një tempull i shenjtë, i pastër ku ai mund të ndjehet rahat dhe në shtëpi?

FIGURA 1-6

Sidoqoftë, kjo ndërtesë nuk ka përfunduar ende. Te Efesianët 2:21 ne lexojmë se "rritet për të qenë një tempull i shenjtë në Zotin." Ndërsa shumë e më shumë njerëz dëgjojnë Ungjillin dhe i besojnë Zotit Jezus Krishtit, ata bëhen "gurë të gjallë" në Kishën. Ju dhe unë mund të ndihmojmë Kishën të rritet tek përhapim Lajmin e Mirë të shpëtimit dhe i ndihmojmë njerëzit të vijnë të njohin dhe të duan Zotin Jezus. A mund ta ndani Ungjillin me një mik, si ky djalë në këtë figurë?

Unë e di se ka disa djem dhe vajza këtu të cilët ndoshta nuk e kanë kërkuar kurrë Krishtin të jetë Zoti dhe Shpëtimtari i tyre personal. Ju nuk e keni venë kurrë besimin tuaj plotësisht te Ai. Ndoshta deri tani ju keni menduar se në se shkoni në kishë herë pas here të Dielave, kjo është e gjitha që ka rëndësi. Jo, çfarë ka rëndësi me të vërtetë është që t'i besoni Krishtit, që ju t'i kërkonit Atij që të jetë Shpëtimtari dhe Zoti juaj. Atëherë do ta dini se jeta juaj është e ndërtuar në Të, dhe ju do të jeni të sigurt. Pranojeni Atë si Zotin dhe Shpëtimtarin tuaj sot! Pastaj Krishti do të jetë themeli i qëndrueshëm për jetën tuaj dhe ju do t'i përkitni Kishës së Zotit Jezus Krisht.

Tani për sa i përket tablosë së katërt të Kishës. Le të lexojmë një varg dhe të shohim në se mund ta dalloni atë. Lexoni Efes.2:19:"Ju, pra, nuk jeni më të huaj, as bujtës, por bashkëqytetarë të shenjtorëve dhe pjesëtarë të familjes së Perëndisë." Kjo nuk është shumë e lehtë, por në qoftë se mendoni për fjalët e fundit, "ju jeni pjesëtarë të familjes së Perëndisë"- na mëson se Kisha është si një FAMILJE e madhe. Në se jemi fëmijët e Perëndisë, atëherë jemi familja e Tij.

FIGURA 1-7

Nuk ka asnjë të krishterë që të jetë i huaj ndaj Perëndisë. Ai na njeh aq mirë dhe na do si një pjesë e familjes së Tij. Dhe në se e duam Zotin Jezus Krisht, ne do të duam edhe të krishterë të tjerë, që ndodhen në Kishë. Ata janë si vëllezër dhe motra në të njëjtën familje, me Perëndinë si Atin tonë Qiellor. Djem dhe vajza, është me të vërtetë kështu. Kudo që udhëtoni në botë, kur ju takoni të krishterë të tjerë, është sikur të takosh një vëlla apo motër. Ju keni të njëjtin Atë, ju e doni Fjalën e Perëndisë, doni ta kënaqni Perëndinë çdo ditë; dhe si ju edhe ata po prisni me padurim për të qenë në Qiell një ditë. Nuk ka rëndësi në të vërtetë në se i krishteri që takoni është nga Afrika, Evropa, apo Amerika-ai prapë është pjesëtar me ju në familjen e Perëndisë. Nuk ka rëndësi aq shumë në se ai e quan veten një Baptist, Presbiterian, Metodist, apo një Pentekostal. Ajo që ka rëndësi është që ai e ka vendosur besimin e tij te Jezus Krishti si Zoti dhe Shpëtimtari i tij personal dhe që mëkatet e tij janë të falura. Është pikërisht kjo që e bën atë një fëmijë të Perëndisë gjithashtu.

A nuk është një gjë e madhe t'i përkasësh një familjeje të madhe, me njerëz nga e gjithë bota që i përkasin asaj?

FIGURA 1-8

Mësuesi: Ushtrimi i vogël që pason është një mënyrë e kënaqshme për të përsëritur dhe zbatuar çfarë keni mësuar. Sidoqoftë, në se fëmijët tuaj janë të rinj, dhe të lëvizshëm, ju mund të doni të kaloni atë dhe të mbaroni me katër pyetjet e zbatimit në fund.

Ne kemi menduar për mënyra të ndryshme që Bibla e paraqet Kishën. Cilat janë ato? Kisha është si një ...një...një...(një Trup, një Nuse, një Ndërtesë dhe një Familje). Unë do t'ju jap disa fjalë dhe ju thomëni se cilat nga këto figura i përshtatet më mirë fjalës. Për shembull, në se them "dashuri" ju mund të përgjigjeni "kjo shkon më shumë me 'Nusen' pasi Jezusi e do Kishën si Nusen e Tij." Po ashtu ju mund të thoni "dashuria shkon më mirë me 'familjen' pasi Perëndia e do Kishën e Tij si fëmijët në një familje të madhe." Ose mund të thoni "dashuria shkon më mirë me 'familjen' pasi ne si të krishterë duhet t'i duam të gjithë të krishterët e tjerë, sepse ne të gjithë bëjmë pjesë në të njëjtën familje." A e kuptoni? Ja ku i keni fjalët. Ngrini dorën, ndërsa përgjigjeni, dhe më jepni arsyen për përshtatjen e fjalës ndaj njëres prej tablove të Kishës.

"Bindje"

(mundësisht "trup"- gjymtyrët duhet t'i binden "Kreut;" mundësisht "familja"-fëmijët duhet t'i binden "Atit.")

"Rritje"

(mundësisht "trupi"- është i gjallë dhe prandaj po rritet; mundësisht "ndërtesa"-me që është ende i paplotë dhe është duke u rritur drejt plotësisë.)

"Puna"

(Mundësisht "trupi"- çdo gjymtyrë ka një punë të caktuar për të bërë.)

"Shenjtëria"

(mundësisht "ndërtesa"- është një tempull i shenjtë në të cilën jeton Perëndia)

"Puna e skuadrës"

(mundësisht "trupi"- të gjithë gjymtyrët duhet të punojnë së bashku për një qëllim të vetëm; mundësisht "familja"- ndërsa të gjithë gjymtyrët duhet të jetojnë dhe punojnë së bashku.)

Tani le ta bëjmë ndryshe. Unë do t'ju jap fjalën-tablo dhe ju do të më jepni dy fjalë që shkojnë me të.

"Trupi" "familja" "ndërtesa" "nusja"

Mirë! Më pëlqeu kjo!

Tani këtu janë katër pyetje me të cilat do të përfundojmë. Mendoni rreth tyre!

1. Si një pjesë e "Trupit të Kishës," a i bindeni Jezusit, Kreut?
2. Si pjesë e "Nuses," a e doni Zotin, ashtu si duhet?
3. Si pjesë e "Ndërtesës," a jeni një vend i shenjtë në të cilin Perëndia të jetojë?
4. Si pjesë e familjes, a tregoni miqësi dhe kuptim ndaj të krishterëve të tjerë si vëllezërit dhe motrat tuaja?

Mësues, ju mund t'ju shpjegoni idenë e **kutisë së pyetjeve** fëmijëve dhe t'i inkurajoni ato të vendosin pyetje për të cilat duan t'i marrin përgjigjet gjatë pjesës së gjashtë.

DISA VARGJE TË CITUARA NË KËTË MËSIM

Ju mund të bëni fotokopje të kësaj faqe, kështu që fëmijët më të rritur mund t'i gjejnë vargjet dhe të marrin pjesë në leximin e tyre.

Rom.12;4,5 "Sepse, sikurse në një **trup** kemi shumë gjymtyrë dhe të gjitha gjymtyrët nuk kanë të njëjtin funksion, kështu edhe ne, megjithëse jemi shumë, jemi një trup në Krishtin dhe secili jemi gjymtyrë të njëri tjetrit."

1 Kor. 12:14-16 "Sepse edhe **trupi** nuk është një gjymtyrë e vetme, por shumë.

Sikur të thoshte këmba: 'Mbasi nuk jam dorë, unë nuk jam pjesë e trupit', mos për këtë nuk është pjesë e trupit?

Dhe sikur veshi të thoshte: 'Mbasi nuk jam sy, unë nuk jam pjesë e trupit' mos për këtë nuk është pjesë e trupit?"

Efes.5:23 "Krishti është **kreu** i kishës, dhe Ai vetë është Shpëtimtari i **trupit**"

Zbulesa 19:7 "Le të gëzohemi dhe të ngazëllohemi dhe le t'i japim atij lavdi, sepse erdhi dasma e Qengjit dhe **nusja** e Tij është përgatitur!"

Efes. 5:25 "Ju burra, t'i doni gratë tuaja, sikurse edhe Krishti ka dashur Kishën dhe e ka dhënë veten e Vet për të."

Efes. 2:20,21 "Të ndërtuar mbi themelin e apostujve dhe të profetëve, duke qenë Jezus Krishti vetë guri i qoshes, mbi të cilin gjithë **ndërtesa**, e lidhur mirë rritet për të qenë një tempull i shenjtë në Zotin."

Efes. 2:22 "Në të cilin edhe ju jeni bashkëndërtuar për të qenë një banesë e Perëndisë në frymë."

Efes, 2:19 "Ju, pra, nuk jeni më të huaj, as bujtës, por bashkëqytetarë të shenjtorëve dhe pjesëtarë të **familjes** së Perëndisë."

PYETJE PËRSËRITËSE PËR MËSIMIN 1

1. Cilat ishin të katër tablotë në fjalët që i gjejmë në Bibël duke përshkruar Kishën?
2. Përmendni tre pjesë të një trupi njerëzor dhe tregoni pse secila nga to është e rëndësishme.
3. Pse është kaq e rëndësishme që anëtarët e Trupit t'i binden Krishtit Kreut?
4. Sipas mendimit tuaj, pse e krahason Perëndia Kishën me një Nuse?
5. Ku ndodhet shtëpia e mrekullueshme në të cilën Krishti Dhëndëri do ta marrë Kishën, Nusën e Tij?
6. Si bëhet një person një "gur i gjallë" në tempullin e Perëndisë?
7. A është çdo njeri një pjesëtar i familjes së Perëndisë?
Pse ose pse jo?
8. Çfarë zbulime të këndshme ju arrini kur po i flisni një të krishteri të cilin nuk e keni takuar kurrë më parë?

MËSIMI 2

KISHA NE JERUZALEM

-adhuron, kujdeset, lutet

VARGJE PËR T'U LEXUAR DHE STUDIUAR NGA MËSUESI:

Veprat 2:40-47; Veprat 6:1-7; Veprat 12:1-19;
Efes.5:18-21

VARGU PËR T'U MËSUAR PËRMEDESH

"Krishti është kreu i kishës, dhe Ai vetë është Shpëtimtari i trupit"
(Efes.5:23).

Fëmijët mund t'i lexojnë vargjet me zë të lartë si në Mësimin 1.

E VËRTETA QENDRORE

Perëndia do që fëmijët e Tij të shkojnë në kishë.
VQSH: Frekuentoni kishën dhe merrni pjesë në çfarë bën Kisha.

FILLIMI

Çfarë doni të bëni kur ju mbliidheni së bashku me miqtë tuaj?

ZHVILLIMI I MËSIMIT

2-1 Të krishterët e hershëm në Jeruzalem takohen së bashku për të adhuruar-
-Veprat 2

2-2 Perëndia do që ne ta lavdërojmë Atë dhe ta adhurojmë si një Kishë
sot. VQSH

2-3 Kisha e hershme në Jeruzalem përfshinte shumë nevojtarë. Veprat 6

2-4 Zgjedhja e dhjakëve.

2-5 Kujdesi për nevojtarët sot nëpërmjet Kishës. VQSH.

2-6 Kisha në Jeruzalem mbliidhet për t'u lutur për Pjetrin. Veprat 12

2-7 Engjëlli e çliron Pjetrin.

2-8 Perëndia do që ne të lutemi si Kishë. VQSH

HYRJA

Kur ju mblidheni së bashku me miqtë tuaj, cilat janë disa nga gjërat që ju doni të bëni me ta? (Lëri fëmijët të përgjigjen. Ata mund të propozojnë gjëra të tilla si biseda, lojëra, muzikë, shëtitje, etj.)

A e mbani mend që në mësimin tonë të fundit ne po mendonim rreth Kishës. Ç'është apo kush është Kisha? Ajo përbëhet nga njerëz që e duan Zotin Jezus Krisht dhe që shpesh mblidhen së bashku të Dielave dhe në disa ditë të tjera të javës. Sot ne do të mësojmë pse Kisha mblidhet së bashku.

FIGURA 2-1

Pse mblidhen së bashku të krishterët si një Kishë? Ne e gjejmë një nga arsyet kur lexojmë rreth Kishës së parë, e cila filloi pasi Zoti Jezus vdiq, u ringjall, dhe u kthye në Qiell. Megjithëse Jezusi i kishte lënë dishepujt e Tij, për t'u kthyer në Shtëpinë e Tij Qiellore, Ai i kish dhënë atyre Frymën e Shenjtë, që ata të mos ndjeheshin të vetmuar në mungesën e Tij. Ata ishin mbushur me gëzim dhe mblidheshin shpesh në Jeruzalem bashkë me të tjerë që e donin Zotin Jezus Krisht gjithashtu. Çfarë bënin ata? Le të lexojmë Veprat 2:47 dhe të shohim: "Duke lavdëruar Perëndinë dhe duke gëzuar simpatinë e gjithë popullit. Dhe Zoti i shtonte kishës çdo ditë ata që ishin shpëtuar." A e dini se çfarë do të thotë ky varg? Çfarë po bënin të krishterët? Po lavdëronin Perëndinë. Dhe çfarë po bënte Perëndia? Po i shtonte kishës çdo ditë? Le të shohim më nga afër atë çfarë të krishterët po bënin. Ç'do të thotë të "lavdërosh Perëndinë"? Do të thotë të mendosh për Perëndinë me dashuri dhe nderim dhe ta falenderosh Atë për mirësinë e Tij. Do të thotë të thuash, "Unë të dua Perëndi, sepse Ti je aq i mirë, aq i fuqishëm." A njihni ndonjë fjalë tjetër që ka të njëjtën domethënie? Le të shohim anagramën tonë. Fjala ka një "h" në të dhe ka 7 gërma. Çfarë mendoni? A keni nevojë për një të dhënë ndihmëse? fillon me "a". Në rregull, fjala është "adhurim". Arsyeja më e rëndësishme që të krishterët mblidhen së bashku është adhurimi i Perëndisë.

Si e adhuroni Perëndinë? Efes.5:19, i përgjigjet kësaj pyetjeje. Një mënyrë për të adhuruar Perëndinë është të këndosh këngë që flasin rreth natyrës së Perëndisë dhe veprave të Tij. Të krishterët e parë në kohën e Dhiatës së Re mundësisht këndonin Psalmet. Dikush u vuri muzikë Psalmeve dhe ata këndonin për atë që kush është Perëndia dhe çfarë Ai ka bërë.

FIGURA 2-2

Kur ju shkoni në Kishë një të Dielë në mëngjes, do të vini re se një pjesë e kohës kalohet duke kënduar-ashtu si ne bëjmë në klubin tonë. Këngët nuk janë thjesht për të mbushur kohën midis lutjeve dhe mësimëve, por që të na lejojë ne ta falenderojmë dhe ta adhurojmë me të vërtetë Perëndinë nga zemra. Ndërsa këndonim himne ju duhet të kujtoni se jeni duke i kënduar Perëndisë. A e vutë re se kur lexuam pak më parë Efes.5:20a, thuhej: "duke kënduar dhe duke **lavdëruar Zotin** me zemrën tuaj"? Perëndia do që t'i dëgjojë lavdërimet tuaja, në se ato dalin me të vërtetë nga zemra juaj. Megjithatë, ndonjëherë Perëndia duhet të jetë i trishtuar kur ai shikon burra dhe gra, djem dhe vajza që këndojnë fjalë të dashura lavdëruese, por duke mos i kuptuar ato. Ata

nuk janë as duke menduar rreth Perëndisë. Ndoshta ata po vështrojnë rrotull, ose po

nxjerrin fjalë nga goja dhe po mendojnë për diçka tërësisht të ndryshme si çfarë ka për drekë apo për lojën që do të luajnë pasdite. Adhurimi është pjesa më e rëndësishme e shërbesës së Kishës. Kur ju shkoni në kishë, duhet ta kuptoni se ju ndodheni atje për t'i "dhënë" diçka Perëndisë dhe ajo që duhet t'i japim është adhurimi.

Kështu herën tjetër që do të këndonim himne pyetni veten, se çfarë kuptimi kanë fjalët? A i besoj me të vërtetë atyre dhe a dua vërtet t'i them ato? Atëherë këndojini këngët me gëzim dhe me gjithë zemër. Duke e bërë këtë ju po i tregoni Perëndisë se e doni dhe e adhuroni Atë.

Ndoshta ju ndodheni këtu sot dhe nuk shkoni në kishë sepse nuk e njihni dhe doni Zotin Jezus si Shpëtimtarin tuaj. Ndoshta ju doni t'i keni mëkatet tuaja të falura por nuk dini çfarë të bëni. Ju lutemi të vini dhe të flisni me mua kur mësimi të mbarojë dhe unë do të jem shumë i gëzuar t'ju ndihmoj.

Të këndosh himne të Dielën në mëngjes nuk është e vetmja pjesë e shërbesës së kishës, zakonisht është edhe koha e lutjes. Ndonjëherë është shërbyesi apo pastori që udhëheq në lutje, dhe disa herë besimtarë të ndryshëm do të luten. Pothuajse gjithnjë, pjesë e këtyre lutjeve është adhurimi- thjesht duke menduar rreth Perëndisë dhe duke i thënë Atij sa i mrekullueshëm është. Ai është i gjithë-pushtetshëm dhe i ditur, i përjetshëm dhe i përsosur. A e adhuroni Zotin gjatë kohës së lutjeve? Nëse po, Perëndia do ta pranojë me gëzim lavdërimin dhe adhurimin tuaj. Sa i trishtuar Ai duhet të jetë kur fëmijët e Tij nuk e respektojnë Atë dhe ëndërrojnë me sy hapur gjatë kësaj kohe. Tani le të vazhdojmë duke shikuar për të kërkuar një arsye tjetër pse Kisha mbledhet bashkë, dhe kështu do të mundim të plotësojmë edhe një fjalë tjetër.

Në Jeruzalem dishepujt e Zotit Jezus (apostujt) e predikonin Ungjillin duke shfrytëzuar çdo rast. Fryma e Shenjtë vepronte nëpërmjet fjalëve të tyre dhe me mijëra njerëz shpëtoheshin. Kisha rritej shumë dhe gjithnjë e më shumë të tjerë i shtoheshin asaj çdo ditë. Në mes të të krishterëve të rinj ishin njerëz të pasur, dhe të varfër. Të pasurit ishin aq shumë mirënjohës ndaj Zotit për gjithçka që Ai kishte bërë për ta- duke i shpëtuar ata dhe duke i bërë fëmijët e Tij. Ata donin ta tregonin dashurinë e tyre ndaj Perëndisë duke ndihmuar të krishterë të tjerë që ishin të varfër.

FIGURA 2-3

Le të lexojmë çfarë të krishterët bënë. Veprat 2:44,45: "Por gjithë ata që besonin rrinin bashkë dhe çdo gjë e kishin të përbashkët. Dhe i shisnin pronat e pasuritë dhe ua ndanin të gjithëve, sipas nevojës së çdonjërit." Këta njerëz preokupoheshin veçanërisht për vejushat dhe jetimët. A mund të më thoni pse ata interesoheshin për vejushat dhe jetimët? (Lëri fëmijët të përgjigjen). Po, pasi babai i familjes kishte vdekur, dhe nuk kishte asnjë që mund të punonte dhe të fitonte para, që ata të mund të blinin ushqime, veshje dhe gjëra të tjera të nevojshme. Ishte detyra e Apostullit për t'u siguruar që

paraja e dhënë për të varfrit, vejushat dhe jetimët do të arrinte te njerëzit e duhur. Sidoqoftë, Kisha ishte rritur aq shpejt dhe kishte aq shumë nevojtarë, sa që Apostujt nuk kishin kohë për ta organizuar shërbesën si duhet dhe të ishin të sigurt që çdo nevojtar ta merrte ndihmën. Duke qënë disa nga vejushat po liheshin pas dore.

FIGURA 2-4

Kështu pra çfarë mendoni ju kisha bëri rreth këtij problemi? Le të lexojmë Veprat 6:3 dhe ne do të gjejmë përgjigjet e këtyre dy pyetjeve:

Çfarë zgjidhje u gjet për problemin?

Pasi zgjidhja u gjet, si arritën Apostujt ta kalonin pjesën më të madhe të kohës? "Prandaj, vëllezër, kërkoni midis jush shtatë burra, me dëshmi të mirë, të mbushur me Frymën e Shenjtë dhe me urtësi, të cilëve do t'ua besojmë këtë detyrë. Kurse ne do të vazhdojmë t'i kushtohemi lutjes dhe shërbesës së fjalës"

(Përgjigjuni pyetjeve)

Shtatë burra u zgjodhën dhe shërbesa e tyre ishte ndihma e nevojtarëve-vejushave, jetimëve, të varfërve, dhe të sëmurëve.

FIGURA 2- 5

Edhe sot, në shumë kisha ka burra që e bëjnë këtë lloj shërbesë, megjithëse jo çdo kishë ka shtatë burra. Disa kisha kanë më shumë se shtatë, nëse janë të mëdha, por në se janë më të vogla, ata do të kenë më pak se shtatë. Pjesë e punës së tyre është të shohin që Kisha po kujdeset për nevojtarët. Le të shohim në anagramin tonë. Cila fjalë mund të përmbledhë këtë detyrë të Kishës? A e keni dalluar fjalën që fillon me një "k"? Po, është të KUJDESESH- një arsye tjetër që kisha mblidhet së bashku është kujdesi për njëri tjetrin. Ata që janë të krishterë janë mirënjohës që Perëndia kujdeset për ne. Ne e dimë që Perëndia na do aq shumë sa Ai dërgoi Birin e Tij të dashur të vdesë për ne, që mëkatet tona të mund të falen dhe ne të kishim jetë të përjetshme. Çdo ditë Perëndia kujdeset edhe për ne, duke na dhënë shëndet, fuqinë, ushqim, veshje, prindërit dhe miq të mirë që na duan. Prandaj meqë Perëndia na do dhe kujdeset për ne, edhe ne duhet të kujdesemi për ata që janë të varfër, nevojtarë, dhe kanë më pak se sa ne kemi. Kjo është një nga arsyet pse ne duam që kisha jonë të ndihmojë tërë ata që kanë probleme dhe nevoja. Si i ndihmon sot një kishë ata që kanë probleme apo nevoja?

Një mënyrë është, kur njerëz nga kisha bëjnë pazarin për një zonjë të moshuar që jeton e vetme. Një mënyrë tjetër është të vizitosh njerëz të sëmurë në spital; të tjerë ndihmojnë duke dërguar fëmijë të varfër në një kamp për një pushim të mirë. Pastaj është rasti për t'u dhënë dhurata familjeve nevojtare për Krishtlindje.

Ngandonjëherë ne dëgjojmë për fatkeqësi të tmerrshme si luftëra, tërmete dhe zi buke. Në kohëra të tilla Kisha mund të marrë oferta të veçanta parash apo veshjesh, ushqimesh, dhe ilaçesh për t'ia dërguar njerëzve në ato vende, të cilët ndodhen tashmë të uritur dhe pa shtëpi.

Kur të krishterët në një kishë punojnë së bashku në këtë mënyrë, ata mund të bëjnë shumë gjëra të mira dhe të kujdesen për shumë nevojtarë. Perëndia na tregon që

Kisha duhet të japë-lavdërim, adhurim, dhe të kujdeset për të tjerët. Por, në se një i krishterë qëndron vetëm dhe nuk shqetësohet për të shkuar në kishë, si mund të kujdeset për ata që janë në nevojë? Si mund ta dijë ai se kush është në nevojë? Është shumë më e vështirë të ndihmohet të tjerët.

FIGURA 2-6

Tani, le të shohim për një fjalë me gërmën "U" për anagramin tonë. Gërma "U" ndodhet afër fillimit të fjalës, por nuk është gërma e parë. A Keni ndonjë hamendje? Ne e përmendëm shkurt më parë. Le të vazhdojmë dhe të shohim në se ju mund ta gjeni.

Te Veprat 12 ne lexojmë tregimin rreth Pjetrit që u fut në burg për shkak të predikimit të Ungjillit. Mbreti Herod kishte planifikuar ta ekzekutonte atë me vdekje shumë shpejt. Pjetri ruhej nga 16 ushtarë brenda një burgu në Jeruzalem. Ky burg kishte shumë mure me gurë të fortë dhe porta të hekurta, gjë që e bënte të pamundur largimin.

Por jashtë mureve të këtij burgu diçka shumë e rëndësishme po ndodhte në një shtëpi në Jeruzalem. Kisha ishte mbledhur në atë shtëpi dhe ata po bënë këtë gjë shumë të rëndësishme. A mund ta merrni dot me mend se ç'ishte ajo gjë? Kujtoni që ka një "U" në këtë fjalë! Le të lexojmë Veprat 12:5 "Ndërsa Pjetrin e ruanin në burg nga ana e kishës..." Po, fjala është "lutje". Të krishterëve ishin mbledhur së bashku për t'u lutur. Ata vazhduan të luteshin dhe t'i kërkonin Perëndisë ta çlironte Pjetrin nga burgu dhe të mos ta lejonin Mbretin Herod ta ekzekutonte apo ta vriste Pjetrin. Herodi e kishte planifikuar ta bënte këtë të nesërmen.

FIGURA 2-7

Perëndia i dëgjoi lutjet e tyre dhe iu përgjigj atyre në një mënyrë të mrekullueshme. Gjatë natës kur Pjetri po flinte në qelinë e tij, ai u zgjua papritur nga një engjëll. Një dritë e madhe ndriçoi qelinë por ushtarët që po ruanin Pjetrin ishin duke fjetur. Zinxhirët që e lidhnin Pjetrin me ushtarët ranë në tokë. Engjëlli i tha Pjetrit "Ngjishu dhe lidhi sandalet" dhe ai filloi ta drejtonte Pjetrin përmes korridoreve të burgut. Më së fundi ata arritën te

dera e hekurt që të çonte në qytet. Pjetri duhet të ketë qenë i çuditur "Çfarë do të ndodhë tani?" Por porta e madhe e hekurt u hap vetvetiu, dhe engjëlli bashkë me Pjetrin kaluan përmes saj. Pjetri ishte i lirë! Ai mund të ikte dhe të shkonte t'u thonte miqve të tij çfarë kishte ndodhur. Ai nuk u ekzekutua prej Herodit, por vazhdoi të predikonte Ungjillin edhe për shumë vite të tjera. Kur e kreu Perëndia atë mrekulli të mahnitshme? Kur e gjithë kisha ishte mbledhur për t'iu lutur Atij. Perëndia do që Kisha të lutet. Perëndia madje ka dhënë një premtim të veçantë në Bibël për të krishterët që luten së bashku. Le të lexojmë Mateun 18:20 "Sepse, kudo që dy a tre janë bashkuar në emrin tim, unë jam në mes të tyre."

FIGURA 2-8

Shpesh të krishterët shkojnë në kishë një herë në javë për t'u lutur së bashku. Në takimin e lutjes ata këndojnë një himn apo dy, lexojnë pak nga Bibla dhe pastaj e kalojnë kohën e mbetur duke iu lutur Perëndisë.

Gjatë kohës së lutjes ata falenderojnë Perëndinë për tërë mirësinë dhe dashurinë e Tij. Ata luten për ata që kanë nevoja dhe probleme-ata që janë të dobët, të moshuar, të varfër, si edhe për ata që janë të sëmurë dhe që ndodhen në spital. Ata luten për ata që nuk janë të shpëtuar dhe për gjithë ata që predikojnë Ungjillin në atë vend dhe më gjerë.

Është e mrekullueshme se si Perëndia i përgjigjet lutjeve të Kishës së Tij. Mësues, lëre paragrafin që pason në qoftë se nuk i përshtatet nevojave të fëmijëve tuaj.

Ndoshta ndonjëherë kur nuk keni shumë detyra shtëpie për të bërë ju dëshironi të shkoni në takimin e lutjes në kishën tuaj. Në se e njihni Jezus Krishtin si Shpëtimtarin tuaj, atëherë ju i përkritni Kishës së Perëndisë dhe Ai do që ju të mblidheni me besimtarë të tjerë për t'u lutur. Ndoshta ju doni të vini në takimin e lutjes së kishës sonë dhe unë do të isha shumë i gëzuar për t'ju marrë. Ne takohemi së bashku të----- në mbrëmje(Mësues, cakto ditën e përshtatshme). Djem dhe vajza janë shumë të mirëpritur dhe ata nga ju që e duan Zotin Jezus mund të marrin pjesë gjithashtu në lutje.

Në se ju jeni një i krishterë, Zoti do që ju të shkoni në kishë të Dielave. Ai nuk do që ju të shkoni i nisur nga forca e zakonisht apo të uleni thjesht në kishë. Ai do që ju të shkoni, i gatshëm për të dhënë, ashtu si të krishterët në Jeruzalem bënë. Ata i jepnin Perëndisë duke e adhuruar Atë, duke u kujdesur për të tjerët. A do të jeni në kishë kësaj të Diele? Unë shpresoj ju do t'i kërkonti Perëndisë që t'ua bëjë të mundur që të ndodheni atje.

Ndërsa ju jeni duke mësuar, Kisha është një familje- një familje e përbërë nga burra dhe gra, djem dhe vajza që i kanë kërkuar Jezus Krishtit të jetë Shpëtimtari i tyre. Ajo është një familje e cila kujdeset, ka dashuri dhe lutet për njeri tjetrin.

A jeni ju pjesë e familjes së Perëndisë? Në se nuk i keni besuar Zotit Jezus si Shpëtimtari juaj, atëherë ju nuk jeni. Kthehuni nga mëkati juaj sot dhe vendosni besimin tuaj te Krishti. Ai do t'ju falë dhe do t'ju pranojë si fëmijën e Tij. Ai thotë në Fjalën e tij që atyre që do të besojnë në Emrin e Tij, Ai u jep të drejtën për t'u bërë fëmijët e Perëndisë." Gjoni 1:12.

DISA VARGJE TE CITUARA NE KËTË MËSIM

(Ju mund të doni të bëni fotokopje të kësaj faqe për t'ia dhënë nxënësve tuaj për ta përdorur gjatë mësimit).

Veprat 2:47 "Duke lavdëruar Perëndinë dhe duke gëzuar simpatinë e gjithë popullit.

Dhe Zoti i shtonte kishës çdo ditë ata që ishin shpëtuar."

Efesianët 5:19 "Duke i folur njeri tjetrit me psalme, himne dhe këngë frymërore, duke kënduar dhe duke lavdëruar Zotin me zemrën tuaj."

Veprat 2:44,45 "Por të gjithë ata që besonin rrinin bashkë dhe çdo gjë e kishin të përbashkët. Dhe i shisnin pronat e pasuritë dhe ua ndanin të gjithëve, sipas nevojës së çdonjërit."

Veprat 6:3 "Prandaj, vëllezër, kërkoni midis jush shtatë burra, me dëshmi të mirë, të mbushur me Frymën e Shenjtë dhe me urtësi, të cilëve do t'ua besojmë këtë detyrë. Kurse ne do të vazhdojmë t'i kushtohemi lojës dhe shërbesës së Fjalës."

Veprat 12:5 "Por, ndërsa Pjetrin e ruanin në burg, nga ana e kishës bënin lutje të vazhdueshme te Perëndia për të."

PYETJE PËRSËRITËSE PËR MËSIMIN 2

1. Çfarë do të thotë "adhurim"?
2. Janë së paku dy gjëra që të krishterët duhet të bëjnë kur bashkësia është duke kënduar një himn. Cilat janë ato? (Të mendojnë rreth asaj që ata po këndojnë, dhe t'i këndojnë Perëndisë.)
3. Përmendni dy gjëra të cilat të krishterët nuk duhet t'i bëjnë kur drejtuesi po udhëheq në lutje.
4. Çfarë bënin të krishterët e pasur në Kishën e Jeruzalemit për të ndihmuar të varfrit?
Si thërriteshin burrat që ishin caktuar për të ndihmuar nevojtarët?
5. Sa burra u caktuan për të ndihmuar nevojtarët?
6. Ndërsa këta burra po siguroheshin që po tregohej kujdes ndaj nevojtarëve, cilat janë dy gjërat ku u përqendruan Apostujt?
7. Jepni tre shembuj se si Kisha kujdeset për nevojtarët sot.
8. Ku ndodhej Pjetri kur kisha po lutej për të dhe pse ndodhej atje?
9. Si iu përgjigj Perëndia lutjeve të tyre?
10. Në një takim lutjesh të kishës, për cilat kategori njerëzish duhet të lutemi?

MËSIMI 3

KISHA NE ANTIOKI

- duke ndarë Ungjillin

VARGJE PËR T'U LEXUAR DHE PËR T'U STUDIUAR NGA MËSUESI

Veprat 11:19-30; 13:1-4; 1 Kor.16:1; 2 Kor.9:6,7; 2 Kor.6:2

VARGU PËRMENDESH

"Krishti është Kreu i kishës, dhe Ai vetë është Shpëtimtari i trupit" (Efes.5:23).

MENDIME PËR PËRFSHIRJEN E FËMIJËVE NE MËSIM

Pasi keni paraqitur mësimin, klasa mund të luante një skeç të vogël: Disa fëmijë ftojnë një mik që është një i krishterë i ri të vijë me ta në kishë. Ai ngurron pak për të shkuar, dhe nxjerr disa arsye, por ata i tregojnë atij se sa e rëndësishme është të shkosh në kishë dhe të përfshihesh në të. Ata do të paraqesin disa nga arsyet që janë dhënë në dy mësimet e fundit.

Në se klasa është thuajse e madhe, ndajini fëmijët në dy ose tre grupe. Secili grup luan të njëjtin skeç dhe në fund të gjithë votojnë për të vendosur se cili grup bëri punën më të mirë për ta bindur fëmijën e ri të krishterë që të shkojë me ta në kishë.

E VËRTETA QENDRORE

Si pjesë e Kishës, fëmijët e Perëndisë duhet ta ndajnë Ungjillin me të tjerët.

VQSH: Frekuentoni kishën dhe ndajeni Ungjillin me të tjerët.

VQPSH: Dëgjoni dhe pranoheni Ungjillin që ju mësohet.

FILLIMI

A i kujtoni cilat ishin të tre gjërat që mësuam javën e fundit rreth Kishës?

(Bëj një përsëritje, dhe paraqitni përsëri anagramin "KISHA JONE")

ZHVILLIMI I MËSIMIT

3-1 Të krishterët e hershëm predikojnë në Antioki. Veprat 11

3-2 Perëndia do që Kisha sot të predikojë Ungjillin:
Shpjegoni Ungjillin. VQPSH

3-3 Ilustrimi i fuqisë së Ungjillit- VQPSH

3-4 Profetët në Antioki parashikojnë një zi buke.
Veprat 11

3-5 Kisha në Antioki jep për të krishterët në Jeruzalem.

3-6 Disa nga udhëzimet e Perëndisë rreth dhënies-VQSH

3-7 Kisha në Antioki dërgon Palin dhe Barnabën si misionarë-
Veprat 13

3-8 Perëndia do që Kisha sot të përfshihet në misione-VQSH

HYRJA

A e keni dëgjuar tregimin apo përrallën se si era vendosi një ditë të ftohtë të përpiquej ta bënte njeriun ta hiqte pallton?

Era nisi të fryjë me gjithë forcën. Megjithatë, njeriu nuk e hoqi pallton. Kështu era fryu fort e më fort mbi këtë njeri, por sa më fort era frynte, aq më shumë ai kapej pas palltos së tij dhe e mbështillte rreth vetes. Sa më shumë era ulërinte, aq më i vendosur ishte njeriu që ta mbante pallton e tij.

Kjo ngjan pak me atë çfarë po ndodhte me të krishterët në Jeruzalem. Vuajtja vinte te të krishterët si një erë e ftohtë, por sa më fort frynte dhe sa më e ftohtë bëhej, aq më të vendosur ishin ata për të jetuar për Zotin Jezus dhe për t'i treguar të tjerëve rreth Tij.

Në të njëjtën kohë kur Pjetri ndodhej i burgosur në Jeruzalem, të krishterë të tjerë ishin duke vuajtur gjithashtu. Disa prej tyre u rrahën dhe u futën në burg, kurse të tjerë u ekzekutuan me vdekje. Për shembull, një burrë i quajtur Stefan u vra me gurë dhe Jakobit (njërit prej dishepujve) iu pre koka. Pse keqtrajtoheshin kështu këta të krishterë? Kjo ndodhte pasi ata e donin Zotin Jezus Krisht dhe predikonin Ungjillin.

FIGURA 3-1

Sidoqoftë, të krishterë të tjerë që donin t'i shpëtonin persekutimit, u larguan në qytete të tjera. Atje ata predikonin Ungjillin dhe jetonin për Zotin Jezus. Në këtë mënyrë Ungjilli u përhap në qytetet dhe fshatrat përreth.

Disa nga këta të krishterë udhëtuan një largësi të madhe dhe mbërritën në një qytet të madh nga veriu i Jeruzalemit. Ky qytet quhej Antioki. Megjithëse ata ishin trajtuar mizorisht meqë i kishin shërbyer Zotit Jezus në Qipro dhe Kirenea prapë se prapë ata nuk pushuan të flisnin rreth Tij dhe t'i predikonin Fjalën e Perëndisë popullit të Antiokit, i cili nuk e kishte dëgjuar atë kurrë më parë. A mendoni se populli i këtij qyteti të lig i kushtoi vëmendje Ungjillit? Le të lexojmë Veprat 11:21 "Dhe dora e Zotit ishte me ta; dhe një numër i madh besoi dhe u kthye te Zoti." Sa e mrekullueshme! Shumë njerëz dëgjuan dhe u shpëtuan. Në fakt, aq shumë njerëz u shpëtuan dhe Kisha po rritej aq

shpejt, sa

që dy predikues të rëndësishëm duhet të vinin për ndihmë. Ata quheshin Barnaba dhe Pal. Këta dy burra vazhduan të predikonin dhe të mësonin në atë qytet. A mund t'i përfytyroni duke predikuar nëpër sheshe, rrugë, shtëpitë e njerëzve dhe kudo që njerëzit dëshironin të dëgjonin Ungjillin? Barnaba dhe Pali shfrytëzonin çdo rast për t'i mësuar rreth Zotit Jezus Krisht.

FIGURA 3-2

Nga këta njerëz ne mësojmë një gjë tjetër të rëndësishme që të krishterët bëjnë në kishë. (Fjala për të cilën po kërkojmë ka një "i" në mes të saj.) Cila fjalë mendoni se mund të jetë? Është PREDIKIM. Predikim do të thotë të shpallësh Ungjillin e Zotit Jezus Krisht. Perëndia ia ka dhënë Kishës detyrën e predikimit të Ungjillit ndaj burrave, grave, djemve dhe vajzave që ata të vijjnë në njohjen e Zotit Jezus Krisht dhe t'i besojnë Atij për shpëtim.

Zakonisht Ungjilli predikohet të Dielave gjatë shërbesave të Kishës. Po ashtu, kishat zhvillojnë takime të veçanta ungjillizuese për një apo dy javë, të cilat quhen "misione." Një mënyrë tjetër për të predikuar Ungjillin është kur të krishterët ngandonjëherë dalin nëpër rrugë apo parqe dhe zhvillojnë një takim ungjillizues.

Para se ta ndani mesazhin e Ungjillit me të tjerë, ju duhet të siguroheni ta keni kuptuar atë dhe t'i jeni bindur atij. Perëndia ju tregon në Bibël që të ktheheni nga mëkatet tuaja dhe të besoni te Zoti Jezus që të jetë Shpëtimtari juaj. Në se e bëni këtë, Perëndia premton të fshijë mëkatet tuaja. (Veprat 3:19). Pse duhet t'i kemi mëkatet tona të falura? Pse janë ato kaq të këqija? Mëkatet që bëjmë- gënjeshttrat që i themi nënës, kopjimi i përgjigjeve prej fletores së detyrave të aritmetikes së dikujt tjetri duke e paraqitur si

tonën, dëshira që vëllai ose motra juaj të ishte në një familje tjetër- janë mëkate kundër Perëndisë. Perëndia na ka dhënë urdhëresat e Tij. Kur nuk i bindemi Perëndisë, atëherë ne jemi duke i thënë Atij "Unë dua të bëhet mënyra ime, jo e Jotja."

Dënimi për mëkatet është ndarja nga Perëndia. Ne të GJITHË kemi mëkatuar dhe kemi ecur në rrugën tonë. Ne kishim lindur madje edhe mëkatarë, duke dashur mënyrën tonë. Megjithatë, Perëndia është i dashur dhe i mëshirshëm. Ai e dinte se ka vetëm një rrugë që do të na i largonte mëkatet. Biri i Perëndisë, i Përsosuri, duhej të vdiste për mëkatet tona dhe të ngrihej nga të vdekurit(1 Kor.15:3,4). Bibla na tregon që "pendohuni dhe kthehuni, që të shlyen mëkatet tuaja" (Veprat 3:19). "Të pendohesh" do të thotë që i njeh, pranon mëkatet tuaja dhe je i gatshëm për Zotin ta ndryshosh jetën tënde. "Të kthehesh do të thotë të kthehesh nga mëkati dhe të kthehesh te Zoti duke i besuar Atij që t'ju shpëtojë nga mëkatet tuaja. Kur ju e bëni këtë, Zoti Jezus Krisht jua fal mëkatet dhe i largon ato. Atëherë ju nuk do të jeni më të ndarë nga Perëndia, i Cili ju bën fëmijën e Tij dhe ju ndihmon që t'i bindeni. A i keni kërkuar ndonjëherë Zotit t'ju shpëtojë? Bëjeni sot. Ai do t'ju shpëtojë. Në se jeni i shpëtuar, atëherë ju do të keni një dëshirë që familja

dhe miqtë tuaj të pashpëtuar ta dëgjojnë Ungjillin. Ju mund t'i sillni ata në një kishë ose në një takim të veçantë ungjillizues. A nuk do të ishte e mrekullueshme që Zoti t'ju

përdorte për të sjellë njërin prej tyre në Krisht!

Disa vite më parë në Poloni jetonte një djalë i quajtur Czeslaw. Prindërit e tij ishin të krishterët të vërtetë që e donin Perëndinë, por ai djalë jo. Ai e kishte dëgjuar shpesh mesazhin e Ungjillit pasi prindërit e tij i kishin folur për dashurinë e Krishtit. Nëna e Czeslawit u lut shumë herë në gjunjë që djali i saj ta njihte Zotin dhe të shpëtohej prej mëkatit të tij. Prindërit e tij mbanin takime të Dielave në shtëpinë e tyre ku Ungjilli predikohet dhe banorë nga qyteti mbledheshin së bashku për të lavdëruar Zotin. Këto takime e bënë shumë të inatosur dhe në fakt, ai u inatos aq shumë sa vendosi një të Diele të vinte një bombë në shtëpi.

Në shkollë, Czeslaw kishte mësuar diçka nga Kimia dhe vendosi të bënte një bombë të përgatitur në shtëpi. Ai e përgatiti me kujdes dhe e vuri atë në bodrum gati për të shpërthyer kur të krishterët të takoheshin atje. Bomba shpërtheu, por nuk ishte aq e fuqishme që të dëmtonte dikë. Kur ai u kthye në shtëpinë e tij ai pa që bomba kishte shkaktuar një farë dëmtimi në shtëpi por nuk kishte qenë dot i aftë t'i ndalte të krishterët të mbledheshin për të adhuruar Zotin.

Disa vite më vonë Czeslaw shkoi në një kamp veror dhe pa e kuptuar, ai gjendej në mes të të krishterëve të rinj. Në atë kamp ai e dëgjoi përsëri Ungjillin të paraqitur qartë dhe diçka e mrekullueshme ndodhi. Perëndia ia zbuti zemrën e fortë dhe ai i kërkoi Perëndisë ta falte për mëkatet dhe rebelimin e tij. Ai i besoi Krishtit dhe u bë një fëmijë i Perëndisë. Që nga ajo ditë, shumë vite kanë kaluar. Tani Czeslaw është një misionar, që e çon Ungjillin te djem dhe vajza në Poloni dhe vende të tjera të Evropës lindore dhe qendrore. Ai është aq entuziast tani për të folur për Zotin Jezus, aq sa ç'ishte kundërshtar i Ungjillit më parë.

FIGURA 3-3

Këtu në klubin tonë, ne ju paraqesim të njëjtin Ungjill që Czeslaw kishte dëgjuar dhe që kishte ndryshuar jetën e tij. A do të ktheheni sot prej mëkateve tuaja dhe të vini te Zoti Jezus duke i kërkuar të jetë Shpëtimtari juaj? Ai është këtu t'ju shpëtojë në se do të vini te Ai.

Ne që ju mësojmë dhe ndihmojmë këtu në Klubin e Lajmit të Mirë jemi pjesëtarë të Kishës gjithashtu. Ne e ndajmë Ungjillin me ju çdo javë. Dëshira jonë më e madhe është që ata që nuk e njohin Jezus Krishtin si Zotin dhe Shpëtimtarin tuaj do të shpëtohen.

Ashtu si Barnaba dhe Pali u predikonte njerëzve në Antioki, edhe ne duam t'ju japim të njëjtin mesazh: "kthehuni nga mëkatet tuaja dhe besoni te Krishti." Pa Të edhe ju jeni po aq të humbur si njerëzit e qytetit pagan të Antiokit shumë kohë më parë.

FIGURA 3-4

Zoti vazhdoi ta bekonte Kishën në Antioki dhe ajo rritej e madhe dhe e fortë Shumë e shumë njerëz, të cilët nuk e kishin dëgjuar kurrë Ungjillin, e vunë besimin e tyre në Krisht si Shpëtimtari dhe Zoti i tyre dhe filluan t'i shërbejnë Atij në Kishë.

Në ato ditë disa njerëz erdhën nga Kisha në Jeruzalem dhe i folën të krishterëve në

Antioki. Me anë të Frymës së Shenjtë, Perëndia i dha njërit prej tyre pushtet të veçantë për të treguar diçka që do të ndodhte në të ardhmen. Ne nuk mund ta bëjmë këtë apo jo? Ne nuk mund ta tregojmë, për shembull, se çfarë do të ndodhë pas tre vjetësh? Në kohën kur Pali dhe Barnaba jetonin, Perëndia sidoqoftë i tregonte njerëzve se çfarë do të ndodhte në të ardhmen. Perëndia e aftësonte këtë njeri të bënte diçka të tillë.

Ai quhej Agabus dhe ai i tha Kishës në Antioki që do të kishte një kohë kur do të kishte një zi të madhe buke. Një zi buke është kur nuk ka mjaft ushqim për të gjithë. Agabi tha se ata që do të kishin më shumë mungesa ushqimi do të ishin të krishterët në Judea (zona përreth Jeruzalemit). Kështu Kisha në Antioki vendosi të çonte disa ofrime të veçanta për të ndihmuar vëllezërit e tyre në Jude.

FIGURA 3-5

Le të lexojmë Veprat 11:29 dhe ne do të shohim sa dhanë dishepujt dhe të krishterët. "Atëherë dishepujt, secili sipas mundësive të tij, vendosën t'u çojnë një ndihmë vëllezërve që banonin në Jude." Po, thotë, "secili sipas mundësive të tij." Kjo do të thotë që çdo njeri jepte aq sa mundej.

Dhe si arritën ofrimet në Jude? Barnaba dhe Pali ishin dërguesit e veçantë që i çonin ofrimet e popullit të Perëndisë në Jeruzalem dhe Jude.

A mund ta dalloni tani fjalën që ka një "R" në mes? Ka të bëjë me dhënien e parave. Po, është dhënia e një ofrimi Perëndisë. Ne kemi folur tashmë pak për këtë, por Bibla na mëson shumë gjëra rreth ofrimit të parave tona ndaj Perëndisë. Më poshtë janë disa rregulla të thjeshta por të rëndësishme që Perëndia na tregon rreth dhënies së parave ndaj Tij.

FIGURA 3-6

1. Jepni sipas mundësive (Veprat 11:29). Ne e pamë se si ata të Kishës në Antioki dhanë secili sipas mundësive. Perëndia nuk pret që ne të japim shumë në se kemi pak. Por në se Perëndia na ka dhënë shumë para, atëherë Ai është shumë i kënaqur në se i japim më shumë Atij. Perëndia na tregon në Bibël që duhet t'i japim Atij së paku një të dhjetën e të ardhurave tona. Në se e doni Atë dhe doni t'i bindeni Atij, a do të donit ta fillonit praktikimin e dhënies.
2. Perëndia do që ne të japim **rregullisht**. Më vonë Apostulli shkroi "Te parën ditë të çdo jave, secili nga ju le të vërë mënjanë aq sa mundet sipas të ardhurave të tij." (1 Kor. 16:2). Kështu çdo të Djalë ne duhet të vëmë mënjanë para për Zotin. Ne nuk i japim Atij atë çfarë ka mbetur nga java e kaluar, por në fillim të çdo jave ne duhet së pari të vëmë mënjanë atë shumë parash që ne duam t'i japim Atij.

3. Perëndia do që ne të japim **dorëhapur**. Le të lexojmë çfarë Perëndia thotë te 2 Kor.9:6b. "Ai që mbjell dorëhapur edhe do të korrë dorëhapur" A e kuptoni se ç'do të thotë kjo? Është si të mbjellësh misër-sa më shumë që mbillni, aq më e madhe do të jetë korrja juaj. Kur ne i japim Perëndisë, është si të mbjellësh Farën e Mirë. Sa më shumë ne japim, aq shumë rezultate do të kemi, dhe aq më shumë shërbesa e Perëndisë do të përparojë.

A e përfytyroni një bujk duke shikuar tek thasët e misrit në hambarin e tij në kohën e pranverës? Ai e di se është koha për të nxjerrë traktorin në fushë dhe të fillojë të mbjellë. Por ai nuk ka patur një vit të mbarë dhe të korrat e tij nuk kanë dalë mirë. Kështu ai thotë, "Këtë vit unë do të mbjell vetëm gjysmën e sasisë së misrit që e mbjell zakonisht. Unë do të kursej para duke mbjellë vetëm gjashtë thasë me misër në vend të dymbëdhjetë thasëve." Çfarë do të ndodhë kur të vijë koha e korrjes dhe ai do të dalë për të mbledhë të korrat? Natyrisht që ai do të ketë një korrje shumë më të vogël se sa korrja normale.

Perëndia na tregon që po kështu është edhe kur i japim Perëndisë. Po t'i japim pak, ne do të marrim pak, do të ketë pra pak bekim. Puna e Perëndisë do të pengohet. Në se japim dorëhapur, ne do të marrim më shumë. Ne do të marrim gëzimin e njohjes që po bëjmë atë çfarë Perëndia dëshiron që ne të bëjmë. Ne do të marrim kënaqësinë e të njohurit të ndihmës që po i japim të tjerëve. Ne do të marrim shumë bekime të tjera nga Perëndia.

4. Le të lexojmë 2 Kor.9:7 (pjesa e dytë): "Perëndia do një dhurues të gëzuar." Perëndia do që ne të japim **me gëzim**- jo sepse duhet të japim, apo është një zakon, por sepse ne duam t'i japim Perëndisë dhe shërbesës së Tij. Ne duhet të japim me gëzim. Kur mendojmë për tërë atë dashuri dhe mirësi që na ka treguar, atëherë ne do të duam t'i japim me gëzim Atij sipas mundësive.

FIGURA 3-7

Të krishterët në Antioki i jepnin paratë e tyre me gëzim për të varfrit në Jude, por shpejt do të dilte një shërbesë tjetër e rëndësishme në të cilën do të përfshiheshin nëpërmjet dhënies së tyre.

Ata ndjeheshin shumë të gëzuar që Ungjilli kishte ardhur tek ata nëpërmjet këtyre të krishterëve të aftë nga Jeruzalemi. Sa shumë do ta kenë lavdëruar ata Perëndinë për njerëz të tillë si Pali dhe Barnaba të cilët e predikonin me besnikëri. Por, ata filluan të mendojnë për të gjitha vendet e tjera përreth tyre ku njerëzit nuk e kishin dëgjuar asnjëherë Ungjillin. Si arritën këta njerëz të mësojnë për Perëndinë? Perëndia i udhëhoqi të krishterët në Antioki që të merrnin një vendim shumë të rëndësishëm. Ata vendosën të dërgojnë dy burra për të predikuar Ungjillin në qytete dhe vende të tjera. Kjo është çfarë bëjnë MISIONARET.

Perëndia donte që Kisha në Antioki t'i dërgonte këta dy misionarë. A e dini se kush ishin ata? Pali dhe Barnaba! Ndoshta Kisha mendonte, "Ne nuk mund t'i lemë këta dy njerëz të rëndësishëm të shkojnë! Na nevojiten aq shumë këtu se ka mjaft punë për të bërë." Jo, ata dërguan më të mirët që kishin për të shërbyer si misionarë, për ta çuar Ungjillin në vende të tjera. Le ta shkruajmë fjalën "misionarë" këtu në anagramën tonë.

FIGURA 3-8

Perëndia akoma do që Kisha sot të dërgojë misionarë që do të përhapin Ungjillin-burra dhe gra që do ta çojnë lajmin e Zotit Jezus te ata që nuk kanë dëgjuar kurrë për Të; te ata që jetojnë në qytete të mëdha, vendet malore, në çadra në shkretëtirë, apo që jetojnë në ishuj tropikalë pranë detit. Të gjithë njerëzit kanë nevojë të dëgjojnë Lajmin e Mirë se si Zoti Jezus Krisht vdiq në kryq për t'i shpëtuar ata nga mëkati i tyre.

Unë jam i sigurt që të krishterët në Antioki që nuk mund të shkonin me Palin dhe Barnabën, u lutën për ta ndërsa ata po udhëtonin dhe u dhanë para për të ndihmuar pagesën e udhëtimit që ata do të bënin përmes Detit Mesdhe. Çfarë roli do të zini ju në shërbesën misionare? A nuk do të ishte e mrekullueshme në se Perëndia do t'ju thirrte, ashtu si Ai thirri Palin dhe Barnabën, për të predikuar Ungjillin në ndonjë vend nevojtar? Çfarë privilegji! Edhe nëse Perëndia nuk ju thërret për të shkuar në një vend tjetër, ju mund të ndihmoni misionarët me anë të lutjeve tuaja dhe ofrimit tuaj.

Ndërsa ju rriteni për t'u bërë një adoleshent dhe pastaj një burrë apo grua, ju nuk do ta frekuentoni më këtë klub. Ndoshta disa nga ju do të bëheni ndihmës apo mësues. Kjo do të ishte shumë mirë por të tjerë nuk do ta kenë të njëjtën aftësi. Por a do të jeni një pjesëtar aktiv i kishës suaj? A do ta ndihmoni për të kryer punët që Kisha në Antioki i bënte aq mirë shumë kohë më parë: predikimi, dhënia dhe dërgimi i misionarëve?

(Mësues, kujtoju fëmijëve kutinë e pyetjeve, që do të hapet në javën e gjashtë)

Tani përsërit rolet e Kishës nga mësimet 2 dhe 3. Pastaj shpjego

DISA VARGJE TE CITUARA NE KËTË MËSIM

Veprat 11:21 "Dhe dora e Zotit ishte me ta; dhe një numër i madh besoi dhe u kthye te Zoti."

Veprat 3:19 "Pendohuni, pra, dhe kthehuni, që të shlyhen mëkatet tuaja."

Veprat 11:29 "Atëherë dishepujt, secili sipas mundësive të tij, vendosën t'u çojnë një ndihmë vëllezërve që banonin në Jude."

1 Kor.16:2 "Të parën ditë të çdo jave, secili nga ju le të vërë mënjanë aq sa mundet sipas të ardhurave të tij."

2 Kor.9:6b "Ai që mbjell dorëhapur edhe do të korrë dorëhapur."

2 Kor. 9:7 "Perëndia do një dhurues të gëzuar."

PYETJE PËRSËRITËSE PËR MËSIMIN 3

1. Në cilin qytet udhëtuan disa nga të krishterët e persekutuar?
2. Cilët ishin dy shërbyesit e shquar të krishterë që erdhën për të predikuar në Antioki?
3. Çfarë bëri Kisha në Antioki kur dëgjuan lajmet që do të kishte një zi buke në Jeruzalem?
4. Më thoni dy nga katër rregullat që studiuam në lidhje me dhënien ndaj Perëndisë.
5. Përveç dhënies ndaj Perëndisë, cila ishte puna tjetër e rëndësishme në të cilën Kisha në Antioki përfshihej?
6. Në një farë mënyre, pse mund te duket e çuditshme që ata e dërguan Palin dhe Barnabën si misionarë?
7. A nevojiten misionarët sot? Pse?
8. Si mund ta ndihmojmë shërbesën misionare?
9. Më thoni tre aktivitete të Kishës që i studiuam javën e fundit dhe që i shkruam në fjalët "kisha jonë".
10. Më përmendni tre aktivitete që i kemi studiuar këtë javë,

MËSIMI 4

KISHA NË TROAS

-përkujtimi i vdekjes së Zotit, studimi, miqësia

VARGJE QË DO TË LEXOJE DHE STUDIOJË MËSUESI

Veprat 20:6-12

VARGU PËRMENDESH

"Pa hequr dorë nga të mbledhurit bashkë tonin, sikurse kanë zakon disa."(Heb.10:25a)

KËSHILLA PËR PËRFSHIRJEN E FËMIJËVE NE MËSIM

Në fund të mësimit ju mund të jepni fotokopje të anagramës "Kisha jonë" dhe lëroni ata të plotësojnë fjalët dhe ta marrin detyrën në shtëpi.

Vazhdoni të inkurajoni fëmijët që të vënë pyetje në "kutinë e pyetjeve" për javën 6.

E VËRTETA QENDRORE

Besimtarët rriten nëpërmjet shoqërisë me Perëndinë dhe popullin e Tij.

VQSH: Planifikoni të shkoni në kishë për të patur miqësi.

Rruga Romake (Kjo nuk është pjesë e mësimit)

SHËNIM

Mësimi për të pashpëtuarit nuk është përfshirë në këtë mësim. Përfshini mësimet për këta fëmijë në një pjesë tjetër të programit, duke folur rreth Rrugës Romake.

Rromakët ndërtonin shumë rrugë, që shkonin nga kryeqyteti i tyre në pjesë të ndryshme të Evropës; këta rrugë të çonin në Romë. Në Librin e Romakëve në Bibël, Perëndia na tregon rrugën që të çon te vetja e Tij, që ne të jemi bashkë me Të. Janë katër hapa për t'u ndjekur. Nëse doni t'i merrni këta hapa sot dhe keni nevojë për ndihmë, a do të vini dhe të uleni në një nga këto karriget e radhës së parë, pas takimit?

Hapi 1 Nevoja jonë

"Sepse të gjithë mëkatuan dhe u privuan nga lavdia e Perëndisë" (Romakëve 3:23). Rruga për te Perëndia fillon me shikimin e nevojës tende. Te tre kapitujt e parë të Romakëve flasin për atë se si çdo person, pavarësisht nëse përpiqet

të jetë i mirë apo jo, nuk i është bindur urdhëresave të Perëndisë ashtu si duhet. Jeta juaj dhe e imja nuk është ajo si duhet të ishte. Ju keni mëkatuar, gabuar, dhe ju keni nevojë për faljen e mëkateve tuaja, keni nevojë që Perëndia ta ndryshojë jetën tuaj. A keni ardhur në atë hap të parë? A doni që Perëndia t'ju falë dhe t'ju bëjë çfarë Ai do që ju të jeni?

Hapi 2 Shpëtimtari i vetëm

"Por Perëndia e tregon dashurinë e tij ndaj nesh në atë që, kur ende ishim mëkatarë, Krishti vdiq për ne"(Rom.5:8). Hapi tjetër është që të njohësh faktin që vetëm Jezus Krishti mund t'i largojë mëkatet tuaja. Ai vdiq në kryq dhe mori dënimin e mëkatit në vendin tonë. Ndërsa ai varej atje në kryq, Perëndia e vuri tërë mëkatin tonë mbi Zotin Jezus. Tre ditë pas vdekjes, Perëndia e ngriti nga të vdekurit për ta shfaqur se Ai ishte Biri i Tij dhe Ai kishte paguar plotësisht për tërë mëkatin tonë. A besoni se Jezus Krishti është i vetmi Shpëtimtar, dhe meqë Ai vdiq dhe u ngrit përsëri, Ai mund t'ju largojë mëkatet.

Hapi 3 Dhurata e Perëndisë

"Sepse paga e mëkatit është vdekja, por dhuntia e Perëndisë është jeta e përjetshme në Jezus Krishtin, Zotin tonë."(Rom.6:23). Është e nevojshme që të kuptojnë se asgjë që ne bëjmë s'na pajton me Perëndinë. Ne meritojmë që të ndahemi përgjithmonë nga Perëndia, për shkak të mëkatit tonë, por Perëndia na ofron si dhuratë një jetë të re, së bashku me Të. A e shihni se ju nuk mund të bëni asgjë për të shpëtuar veten? A e shihni që Perëndia do t'ju japë si një dhuratë këtë jetë të re me Të, me të gjitha mëkatet e falura?

Hapi 4 Çfarë të bësh

"Kushdo që do ta thërrasë emrin e Zotit do të shpëtohet"(Rom.10:13). Hapi i fundit është t'i kërkosh Zotit të të shpëtojë dhe t'i besosh Atij për ta bërë këtë. Në se do të binin në një gropë të thellë dhe nuk mund të dilnit dot prej saj ju do të kishit nevojë për dikë që t'ju shpëtonte. Nëse dikush do të shihte poshtë në gropë ju do t'i thërrisnit atij për ndihmë. Po kështu është me Zotin Jezus. Ju jeni të fundosur në mëkat dhe vetëm Ai mund t'ju shpëtojë. Ju duhet t'i thoni Zotit në lutje, "Zot, shpëtomë prej mëkatit tim. Ndihmomë që të kthehem nga ato gjëra që nuk të pëlqejnë." Bibla na jep një premtim të mrekullueshëm në se e bëni me të vërtetë këtë dhe e keni me gjithë mend: Ju "do të shpëtoheni." Zoti e mban gjithnjë këtë premtim; ju mund të mbështeteni mbi të. A do t'i kërkoni Atij t'ju shpëtojë nga mëkatet tuaja? Ju mund ta bëni këtë që tani. Në se Zoti po ju flet zemrës suaj, mos e shtyni për më vonë. Dëgjoni se çfarë ju thotë Perëndia në Librin e Romakëve. Kërkojini Zotit t'ju shpëtojë dhe mëkatet tuaja do të jenë të falura dhe ju do të jeni bashkë me Perëndinë.

FILLIMI

Përfytyroni se ju jeni ftuar në një ditëlindje...

4-1 Kisha në Troas mblidhej të Dielave në mbrëmje, për të "thyer bukë"

4-2 Vendosja e **Darkës së Zotit** nga Krishti, para vdekjes së Tij.

4-3 Perëndia do që populli i Tij ta **kujtojë** vdekjen e Krishtit me anë të Darkës së Zotit. VQSH

4-4 Pali predikon në Troas gjer në mesnatë, dhe Eutiku bie nga dritarja.

4-5 Është shumë e rëndësishme të mblidhesh të Dielave për të **studiuar** Fjalën e Perëndisë. VQSH

4-6 Të krishterët në Troas rrinë zgjuar gjer në të gdhirë duke gëzuar **miqësinë**.

4-7 **Miqësia** e krishterë është shumë e rëndësishme VQSH

4-8 Ilustrimi i zjarrit që shuhet kur shkarpat ndahen nga njëra tjetra. VQSH

Fotokopje të anagramës "Kisha jonë" i dorëzohen nxënësve që ata të plotësojnë fjalët, dhe ta marrin me vete në shtëpi detyrën.

Hyrja

A mund ta përfytyroni që ju jeni i ftuar në një mbrëmje ditëlindjeje të një miku shumë të veçantë. Ju jeni të ftuar për gjithë ditën në shtëpinë e mikut tuaj dhe pjesë e zbavitjes është dreka e shijshme që është përgatitur. Ka pulë të pjekur, patate të skuqura, sallatë, makarona, si ushqim i parë. Pastaj vjen një ëmbëlsirë e këndshme me kek dhe akullore. Në fund të drekës ti pyet veten "Cila ishte pjesa më e mirë e drekës" Cila më pëlqeu më shumë?" Përgjigjja është e vështirë, sepse gjithçka ishte e mirë. Kur fillojmë të mendojmë rreth Kishës, ne ndjehemi ngandonjëherë në të njëjtën mënyrë. Ne pyesim "Cilat janë gjërat më të rëndësishme rreth Kishës? Cilat gjëra nga këto që mësojmë më bën të ndjehem më i lumtur?" Në fakt, ato janë të gjitha të mrekullueshme dhe të rëndësishme. Le të mësojmë më shumë rreth Kishës.

FIGURA 4-1

Ne do t'i kthehemi librit të Veprave, kapitullit 20. Pali, misionari i madh, pasi ishte zhvendosur nga Antioki, kishte qenë duke udhëtuar për shumë vite duke predikuar Ungjillin në ato vende ku emri i Zotit Jezus nuk njihej. Si rezultat shumë njerëz besuan në Krisht dhe kisha të vogla filluan në shumë qytete.

Një ditë Pali erdhi me anije në portin e Troasit. Ai kishte qenë edhe më parë në Troas, por ai po kthehej të vizitonte dhe të ndihmonte të krishterët. Pasi ai la anijen u nis për te dhoma ku të krishterët mblidheshin së bashku. Cila ditë e javës ishte? Le të lexojmë Veprat 20:7 "Ditën e parë të javës, kur ishin mbledhur dishepujt për të thyer bukën, Pali bisedonte me ta." Po ishte dita e parë e javës. Cila ishte ajo? E Diela natyrisht. Dhe pse ishin mbledhur dishepujt së bashku? Po, për të thyer bukën.

Ata kalonin dorë pas dorë një copë buke dhe secili prej tyre thyente një copë dhe e hanin. Pse ata e bënë këtë? Ata po bënë në fakt atë çfarë Zoti Jezus i kishte mësuar të bënin.

FIGURA 4-2

Natën para se Zoti Jezus të vdiste, Ai i mblodhi dishepujt e Tij së bashku për një darkë të fundit në dhomën e sipërme në Jeruzalem. Ai mori bukën, e bekoji, e theu, dhe ua dha dishepujve dhe tha: "Merrni, hani; ky është trupi im" (Mat.26:26). Ai donte të thoshte, "Kjo bukë do t'ju kujtojë trupin tim." Dhe ndërsa ai e theu bukën, Ai u tregoi miqve të Tij në një mënyrë shumë të qartë që të nesërmen trupi i Tij do të thyhej dhe plagosej në kryq. Ai do të vdiste për mëkatet e tyre dhe tonat.

Pastaj Zoti Jezus mori një kupë me verë, dhe falenderoi, dhe ua dha atyre duke thënë: "Pini prej tij të gjithë, sepse ky është gjaku im, gjaku i besëlidhjes së re, i cili është derdhur për shumë për faljen e mëkateve"(Mateu 26:27,28).

Përsëri Ai po u mësonte atyre që vera që Ai po derdhte do t'u kujtonte për gjakun që do të derdhej në kryq ditën që do të pasonte, duke mundësuar që të gjithë ata që do të besonin në Të të shpëtoheshin nga mëkatet e tyre.

Zoti Jezus donte që dishepujt e Tij të hanin bukë dhe të pinin verë, jo vetëm në atë rast, por edhe në raste të tjera kur ata të mblidheshin së bashku. Kjo është çfarë të krishterët në Troas po bënin. A mendoni se ata ishin të trishtuar apo të gëzuar tek e bënin këtë? Ata ishin me të vërtetë të gëzuar sepse nëpërmjet vdekjes së Zotit Jezus, ata kishin jetë të përjetshme. Në të njëjtën kohë që ata ishin të gëzuar për domethënien e vdekjes së Krishtit ata ishin edhe plot respekt dhe mendime, ndërsa kujtonin tërë atë që Krishti kishte vuajtur për ta.

FIGURA 4-3

Në kishat tona sot ne gjithashtu mblidhemi së bashku për të ngrënë bukën dhe pirë verën ashtu si të krishterët në Troas po bënin. Sot ne e quajmë këtë takim të veçantë "Darka e Zotit". Ne e bëjmë për të kujtuar vuajtjen dhe vdekjen e Zotit Jezus Krisht për ne shumë kohë më parë. Darka e Zotit, është vetëm për ata që vërtet e njohin dhe e duan Jezus Krishtin. Vetëm të krishterët e vërtetë duhet të marrin pjesë në këtë shërbesë të veçantë. Dhe ndërsa buka dhe vera kalojnë rreth e rrotull, çdo i krishterë duhet të falenderojë sinqerisht Zotin për dashurinë e Tij të madhe që Ai na tregoi duke shkuar në kryq qindra vjet më parë për mëkatet tona. Natyrisht ju mund të falenderoni Zotin që vdiq për ju, kur jeni në dhomën tuaj, apo në shkollë, a kudo. Në shërbesën e Darkës së Zotit, sidoqoftë ne kujtojmë në një mënyrë shumë të veçantë vdekjen e Zotit Jezus për ne.

Ka ndryshime në atë se sa shpesh kishat e festojnë Darkën e Zotit. Në disa kisha të krishterët e marrin Darkën e Zotit çdo të Dielë, ndërsa në kisha të tjera më rrallë. Le t'i shkruajmë fjalët "Darka e Zotit" në anagramin tonë. Ka ende fjalë që mungojnë nga tabela jonë. Le të shohim çfarë mund të mësojmë tjetër nga Veprat 20.

FIGURA 4-4

Përveç mbledhjes së bashku për të marrë pjesë në "Darkën e Zotit", të krishterët në Troas kishin një arsye tjetër të rëndësishme për t'u mbledhur së bashku. Le të lexojmë Veprat 20:7 (pjesa e dytë) "Pali, i cili duhej të nisej të nesërmen, bisedonte me ta dhe e zgjati fjalën deri në mesnatë." Ata ishin mbledhur së bashku për të dëgjuar Apostullin Pal që u mësonte nga Fjala e Perëndisë. Ishte aq interesante dhe ndihmuese për ta sa që ata vazhduan ta dëgjonin dhe të studionin Fjalën e Perëndisë

për orë të tëra. A e vutë re kur Pali e mbaroi më së fundi predikimin e tij? Po, në mesnatë! Ai donte t'i mësonte atyre gjithçka që kishte mundësi, pasi të nesërmen ai do të nisej dhe do të shkonte në një qytet tjetër. Në mes të të krishterëve, që ndodheshin në atë takim, ishte një djalë i ri me

emrin Eutik. Atë e mori gjumi ndërsa Pali predikonte. Ndoshta ai kishte punuar shumë gjithë ditën dhe ishte mjaft i lodhur. Dhoma ishte mbushur me shumë njerëz që ngjisheshin për të dëgjuar Palin. Bibla na tregon gjithashtu që kishte shumë llamba vajguri dhe ndoshta dhoma ishte e ngrohtë dhe plot tym. Dhe natyrisht Pali mbajti një predikim shumë të gjatë. Le të mos jemi shumë të shpejtë për ta kritikuar Eutikun! Megjithatë, problemi qëndronte në atë që ai ishte ulur në parvazin e dritares, dhe dhoma ndodhej në katin e tretë. A e merrni me mend se çfarë ndodhi kur ai e vari kokën nga gjumi i rëndë? Po, ai ra nga dritarja nga kati i tretë poshtë dhe e ngritën të vdekur. Pali

menjëherë zbriti me shpejtësi dhe ra mbi të duke e përqaftuar. Perëndia bëri një mrekulli të mahnitshme dhe Pali arriti të thonte "Mos u shqetësoni, se shpirti i tij është në të". Eutiku ishte i gjallë përsëri! Pasi u sigurua që djali ishte në rregull, Pali u ngjiti përsëri lart ku ishin të krishterët e tjerë.

A mund të mendoni për një fjalë që ka një "u" në të, që do t'i përshtatet anagramit tonë. Lërmëni t'ju ndihmoj pak. Ne po kërkojmë për një arsye tjetër të frekuentimit të kishës. Nuk shkojmë për të fjetur gjumë, as dhe për të rënë nga dritarja! Ka të bëjë me dëgjimin me vëmendje të madhe të Fjalës së Perëndisë si njerëzit në Troas. Ata ishin të përgatitur për të hequr dorë nga gjumi një natë që të dëgjonin Palin tek predikonte Fjalën e Perëndisë. Cila është Fjala? "STUDIONI"-studioni Fjalën e Perëndisë. Kjo është një nga arsyet më të rëndësishme për të shkuar në kishë, apo jo?

FIGURA 4-5

Sigurisht që ne mundemi dhe duhet ta studiojmë Fjalën e Perëndisë vetë, por është e nevojshme gjithashtu për të krishterët që të jenë në kishë për të studiuar Fjalën e Perëndisë së bashku. Çdo të Dielë në mëngjes shërbyesi apo ndonjë tjetër që e do Fjalën e Perëndisë, del në podium dhe ia shpjegon një pjesë të Biblës bashkësisë. Para se ai ta bëjë këtë, ne duhet të lutemi dhe t'i kërkojmë Perëndisë që të na ndihmojë për të kuptuar mesazhin nga Fjala e Tij. Ndërsa shërbyesi i Fjalës është duke folur, ne duhet të dëgjojmë me shumë kujdes dhe të mendojmë me veten tonë, "Çfarë do Perëndia sot që unë të mësoj dhe çfarë do që të bëj pasi ta dëgjoj mesazhin?" Ndërsa e studiojmë Biblën së bashku, Perëndia vepron në ne, që ne të vazhdojmë të rritemi si të krishterë.

Shumë nga ju janë ende të rinj dhe ju mund të mos të kuptoni gjithçka që predikuesi thotë. Në fakt disa nga ju mund të shkoni në Kishën Junior para se predikimi të fillojë. Megjithatë, edhe sikur të shkoni në Kishën Junior, juve po ju mësohet Fjala e Perëndisë dhe ju duhet t'i kushtoni vëmendje dhe të dëgjoni me kujdes. Kur ju qëndroni gjatë predikimit, edhe sikur të mos kuptoni çdo gjë, Perëndia ka prapë diçka që do t'ju tregojë. Kërkojini Atij t'ju ndihmojë të dëgjoni dhe të kuptoni çfarë po predikohet. Është e trishtueshme kur sheh djem dhe vajza që i shkruajnë njëri-tjetrit apo gogësojnë gjatë predikimit. Këto gjëra duhet ta mërzisin Perëndinë, sepse tregojnë mosrespektim të Fjalës së Tij të shenjtë. Një mënyrë e mirë e përdorimit të stilolapsit tuaj do të ishte marrja shënimi e disa pikave që do t'ju ndihmonte të kujtonit atë që predikuesi predikoi!

Predikuesit tanë sot nuk predikojnë aq gjatë sa Pali në Troas. Ai predikoi gjer në mesnatë! Ishte patjetër një kohë e gjatë për të qëndruar i ulur dhe duke dëgjuar. Zakonisht predikimi sot zgjat rreth 30 minuta. Në se e duam Zotin ne duhet të kushtojmë vëmendjen tonë për gjithë kohën e zgjatjes së predikimit, apo jo? Kjo është një nga arsyt kryesore pse të gjithë ne që e duam Zotin duhet të shkojmë në kishë - të dëgjojmë dhe të studiojmë Fjalën e Perëndisë. Natyrisht na duhet që të përqijemi të ngrihemi të Dielën në mëngjes dhe të shkojmë në kishë, por sigurisht që ia vlen dhe është e dobishme. Kur ju sintonizoheni me radion apo televizorin tuaj, ju dëgjoni për të kapur sintoninë e veçantë të atij programi që doni të ndiqni. Kur ai program fillon, ju dëgjoni me vëmendje të veçantë.

Akordohuni me Fjalën e Perëndisë në kishë.

Tani, ne kemi edhe një fjalë të fundit që t'i përshtatet "kisha jonë." Le të shohim për të, duke iu kthyer tregimit të Troasit.

FIGURA 4-6

Pasi Eutiku u kthye në jetë, Pali u ngjiti përsëri lart në katin e tretë. Kujtoni se ishte pasmesnate. A mendoni se Pali qëndroi akoma? Le ta gjejmë përgjigjen te Veprat 20:11 "Atëherë u ngjiti përsëri lart, e theu bukën dhe hëngri; dhe pasi foli gjatë deri në të gdhirë, u nis." Të krishterët e shpenzuan tërë natën së bashku! Çfarë po bënin ata? Ata thyen bukë (ne e kemi trajtuar këtë) ata hëngrën diçka dhe "folën gjatë."

Ata kishin dëshirë që të mbledheshin së bashku. Nuk është për t'u çuditur! Ata kishin shumë për të folur sepse të gjithë e donin Zotin Jezus dhe e dinin që mëkatet e tyre ishin të falura. Ata ishin si vëllezër dhe motra në një familje të madhe. Sa ndryshe ishte të rrije me ata që nuk e donin Zotin Jezus. Disa të krishterë në Troas ishin mbase skllëvër dhe trajtoheshin mizorisht; ata duhet të punonin për shumë orë. Shumë prej tyre po punonin me njerëz që nuk kishin interes te Perëndia dhe Fjala e Tij, dhe interesi i vetëm i të cilëve ishte fitimi i parave. Edhe fqinjët dhe familjet ndonjëherë mendonin se të krishterët ishin njerëz të çuditshëm, sepse atyre u pëlqente të mbledhurit së bashku për të folur, për t'u lutur, për të kënduar dhe studiuar Fjalën e Perëndisë. Disa njerëz nuk i pëlqenin vërtet të krishterët, sepse ata i flisnin atyre rreth Zotit Jezus dhe i tregonin që ata duhet të ktheheshin prej rrugëve të tyre mëkatore. Po, njerëzit nuk i kuptonin të krishterët dhe ua bënin jetën të vështirë atyre. Për këtë arsye, ishte aq mirë të ishe përsëri së bashku me miq të tjerë të krishterë. Ata mund të kishin miqësi të vërtetë me ta. Çfarë do të thotë miqësi? Është ajo miqësi e veçantë që vetëm të krishterët mund të gëzojmë me njëri tjetrin.

Paco është një djalë spanjoll që e dëgjoji Ungjillin dhe besoi te Zoti si Shpëtimtari i tij. Asnjë tjetër në familjen e Pacos, nuk ishte një i krishterë i vërtetë. Ata talleshin me të dhe bënin gjithçka që mundnin për të mos ta lënë ta lexonte Biblën. Ata ia morën atë dhe e fshehën. Ata ia bënë edhe shumë të vështirë për të shkuar në kishë.

Kur Paco arriti për të shkuar në takimet e kishës, sa shumë u gëzua që mund të ishte

atje. Ai kënaqej veçanërisht që ndodhej me të tjerë të krishterë të rinj që e donin Zotin Jezus. Ai do të rrinte me orë të tëra dhe zor se donte të shkonte në shtëpi.

Prindërit e tij e çuan në një qytet tjetër për ta mbajtur larg nga të krishterët e tjerë. Kështu para se të largohej, Paco mori prej pastorit adresën e kishës së qytetit në të cilin po shkonte. Gjëja e parë që ai bëri pasi arriti atje ishte fillimi i frekuentimit të takimeve të asaj kisha. Miqësia ishte shumë e rëndësishme.

Tani, ndoshta e keni dalluar fjalën që po kërkojmë e cila ka një "ë" në mesin e saj. Kjo fjalë është një tjetër arsye pse të krishterët mbledhen së bashku në kishë. Fjala është "**miqësi**"- miqësia e veçantë që të krishterët kanë me njëri tjetrin, si pjesëtarë të të njëjtës familje të Perëndisë.

FIGURA 4-7

Ne kalojmë vërtet një kohë të mirë miqësie në Klubin tonë, apo jo? Është bukur të mbledhesh së bashku për të kënduar, mësuar, dhe ndarë. Pas pak vitesh ju do të jeni të rritur dhe nuk do të vini më në Klub (përveç atyre që janë mësues dhe ndihmës). Çfarë do të bëni atëherë? Ju do të keni ende nevojë për miq të krishterë të moshës suaj, me të cilët ju mund të mësoni nga Fjala e Perëndisë. Ju mund të luteni së bashku dhe të flisni rreth Zotit. Ju mund t'i gjeni këta miq në një kishë, ku të rinjtë e duan Perëndinë, e dëgjojnë Fjalën e Tij dhe luten. Atje ju do të gëzoni miqësi me të krishterë të tjerë. Ne të gjithë kemi nevojë për miq të mirë të krishterë. Është e vështirë për të qenë një i krishterë duke qëndruar vetëm.

FIGURA 4-8

Le të përfytyrojmë që keni një zjarr të mrekullueshëm kampi dhe drutë po digjen mirë. Është kaq ngrohtë dhe kënaqshëm. Por çfarë ndodh në se ju i ndani drutë veç e veç, duke mos patur asgjë rreth tyre për të djegur? Shumë shpejt zjarri do të shuhet, drutë do të ndalojnë së djeguri dhe flaka do të zhduket. Ju mbeten vetëm pak shkarpa të nxira në vend të një zjarri të kënaqshëm që digjet.

Fatkeqësisht, kjo ndodh me djemtë dhe vajzat të krishterë. Kur ata janë bashkë në miqësinë e krishterë, dashuria e tyre për Zotin Jezus shkëlqen me vezullim. Por kur ndahen dhe nuk kanë miqësi të krishterë, dashuria e tyre ftohet dhe duket se zjarri i interesit dhe i entuziazmit për Fjalën e Perëndisë shuhet. Djem dhe vajza, ju keni nevojë për miqësi të krishterë! Le të lexojmë se çfarë thotë Zoti te Hebrejtë 10:25 "Pa hequr dorë nga të mbledhurit bashkë tonin, sikurse kanë zakon disa." Disa të krishterë nuk takohen së bashku me të tjerë që e duan Zotin aq sa duhet. Ju duhet të planifikoni për të shkuar në kishë dhe të njihni të krishterë të tjerë të moshës suaj. Kjo do t'ju ndihmojë që të vazhdoni të digjeni me shkëlqim për Zotin Jezus Krisht.

Tani, do t'ju jap secilit prej jush nga një kopje të anagramës "kisha jonë" dhe të shohim në se mund të plotësojmë fjalët që mungojnë me të cilat jemi marrë gjatë tre javëve të fundit.

VARGJE TË CITUARA NË KËTË MËSIM

Veprat 20:7a "Ditën e parë të javës, kur ishin mbledhur dishepujt për të thyer bukën, Pali, bisedonte me ta."

Mateu 26:26 "Merrni, hani, ky është trupi im."

Veprat 20:7b "Pali, i cili duhej të nisej të nesërmen, bisedonte me ta dhe e zgjati fjalën deri në mesnatë."

Veprat 20:11 "Atëherë u ngjit përsëri lart, e theu bukën dhe hëngri; dhe pasi foli gjatë deri në të gdhirë, u nis."

Hebrenjve 10:25 "Pa hequr dorë nga të mbledhurit bashkë tonin sikurse kanë zakon disa."

PYETJE PËRSËRITËSE PËR MËSIMIN 4

1. Në cilën qytet bregdetar ndodhej kisha që Pali vizitoi?
2. Si ishte dhoma në të cilën kisha takohej? (Ndodhej në katin e tretë dhe kishte shumë llamba).
3. Ne lexojmë që dishepujt mbledheshin së bashku për "të thyer bukën". Ç'do të thotë kjo?
4. Përveç ngrënies së bukës, ç'gjë tjetër ata kalonin dorë pas dore, dhe pse?
5. Pse e quajmë ngrënien e bukës dhe pirjen e verës "Darka e Zotit"?
6. Sa gjatë predikoi Pali? (Ne nuk e dimë se kur ai filloi, por mbaroi në mesnatë).
7. Ne menduam sot për tre arsye për të shkuar në kishë. Më thoni dy prej tyre.
8. Ç'do të thotë miqësi?
9. A mund të më përmendni tre arsye që ne i studiuam në lidhje me frekuentimin e kishës javën që shkoj? (predikimi, dhënia, dërgimi i misionarëve).
10. Gjatë javëve të fundit ne kemi qene duke menduar veçanërisht për tre kisha të Dhiatës së Re- cilat ishin ato? (Jeruzalemi, Antioki, Troasi).

MËSIMI 5

KISHA NË LUFTË

- persekutim, doktrinë e rreme, ndarje

VARGJE PËR T'U LEXUAR DHE STUDIUAR NGA MËSUESI

Veprat 19:1-41, Mateu 16:16-18; Veprat 20:15-20, 27-38;
1 Kor.3:1-7; Hebrenjve 13:3.

VARGU PËRMEDESH

"Krishti ka dashur kishën dhe e ka dhënë veten e vet për të" Ef.5:25b

MJETE FIGURATIVE

Bashkë me figurat, nga fundi i mësimit, do t'ju nevojiten dy apo tre dhëmbëkruese(ose ashkla të vogla druri, ose një gozhdë dhe disa fije leshi të kuq(ose fill) për një mësım të shkurtër objekti.

E VËRTETA QENDRORE

Satani sulmon Kishën dhe përpiqet të sjellë mësım të rreme dhe përçarje.

VQSH: Zgjidhni frekuentimin e një kishe që qëndron prerazi për të vërtetën megjithë sulmet e Satanit.

VQPSH: Mos i vini veshin Satanit që përpiqet për t'ju larguar nga e vërteta.

FILLIMI

Është dikush që e urren me të vërtetë Kishën. Është Satani.

ZHVILLIMI I MËSIMIT

5-1 Pali predikon në Efes, dhe shumë njerëz i kthehen Perëndisë.

5-2 Satani e përdor Dhimitrin për të nxitur persekutim kundër kishës. VQ

5-3 Satani është duke nxitur akoma **persekutim** kundër Kishës në shumë vende. VQ

5-4 Pali jep mësım dhe lutet me pleqtë Efesianë. Këshillon për "ujqërit" që do të sjellin doktrina të rreme.

5-5 Satani përdor sot ende armët e **doktrinës së rreme** kundër Kishës

- VQSH- VQPSH

5-6 Ndarjet në Kishën e Korinthit

5-7 Satani përdor armët e **përçarjes** kundër Kishës sot. VQSH

5-8 Krishti mund të na e jap fitoren **tani** mbi Satanin; **një ditë**
Ai do ta mundë krejtësisht atë.

NJË PËRSËRITJE E SHKURTËR E MËSIMEVE TE MAREMË

Çfarë kemi mësuar deri tani rreth Kishës? Si është ajo?
(Një trup, një Ndërtesë, një Nuse, një Familje.) Çfarë duhet
të bëjë Kisha? (Të kujdeset, lutet, të ndihmojë, të dëshmojë,
të mësojë Fjalën e Perëndisë.) Cila është Kisha? (Një grup
besimtarësh të rilindur.)

HYRJE

Besoj se ju keni parë dokumentarë televizivë mbi natyrën që tregojnë një luan që ndjek prenë e tij- ndoshta një zebër ose një antilopë. Luani është aq i fortë, i egër dhe i shpejtë dhe është një armik i tmerrshëm. Edhe Kisha gjithashtu ka një armik të fortë e të egër. Ai është Satani. Ai është i vendosur të luftojë kundër saj dhe mos ta lerë atë që të rritet dhe të bëjë vullnetin e Perëndisë. Ai sulmon të krishterëve dhe Kishën në shumë mënyra. Sot ne

do të shohim tre mënyra me të cilat ai lufton kundër Kishës. Për t'i parë këto tre mënyra na duhet të mendojmë përsëri rreth asaj çfarë ndodhi në Librin e Veprave.

FIGURA 5-1

Në një nga udhëtimet misionare Pali erdhi në qytetin e Efesit, dhe si gjithnjë, ai predikoi Ungjillin. Ai qëndroi atje për më shumë se dy vjet. Efesi ishte një qytet i madh dhe i lig, ku ndodhej një tempull i madh kushtuar perëndeshës pagane së quajtur Diana. Populli i Efesit adhuronte Dianën dhe në shumë shtëpi ata mbanin imazhe të vogla prej argjendi të Dianës dhe tempullit që ishte ndërtuar për nder të saj. Pavarësisht nga e gjitha kjo idhujtari dhe mësim i gabuar, shumë njerëz besuan tek Jezusi si i vetmi që mund t'i shpëtonte ata ndërsa Pali predikonte dhe mësonte Ungjillin. Bibla na mëson që Lajmi i Mirë po përhapej. Sa larg ? Le të lexojmë çfarë thuhet në Veprat 19:10 "Të gjithë banorët e Azisë, Judenj dhe Grekë, e dëgjuan fjalën e Zotit Jezus. "Dhe gjithashtu te Veprat 19:20 "Kështu fjala e Perëndisë shtohet dhe forcohet. "Unë jam i sigurt se Pali dhe miqtë e tij e lavdëronin Perëndinë për mënyrën se si Perëndia i shpëtonte njerëzit në Efes. Megjithatë, Satani nuk ishte i gëzuar. Kur ai pa se shumë njerëz po largoheshim nga mëkati dhe idhujtaria, dhe po i besonin Krishtit, ai filloi të sulmojë Palin dhe Kishën.

FIGURA 5-2

Ai përdori një burrë të quajtur Dhimitër, i cili bënte tempuj të Dianës në argjend. Meqë shumë njerëz ishin kthyer te Perëndia i vërtetë dhe i gjallë i Biblës, ata nuk po i blinin më tempujt e Dianës. Dhimitri dhe argjendarët e tjerë po humbnin para. Kështu Dhimitri i thirri të gjithë argjendarët dhe u shpjegoi atyre se shumë njerëz nuk po e

adhuronin më Dianën dhe kështu nuk po i blinin më imazhet e bëra prej tyre. Kur argjendarët i dëgjuan këto gjëra, u mbushën me inat dhe filluan të bërtisnin, duke thënë: "E madhe është Diana e Efesianëve!" Ata morën pastaj me forcë dy nga miqtë e Palit, rendën për në teatër. Një turmë e madhe zuri t'i ndiqte dhe ata gjithashtu filluan të bërtasin për gati dy orë: "E madhe është Diana e Efesianëve!" Më së fundi, kancelari i qytetit, i cili ishte një njeri i rëndësishëm në qeverinë e qytetit, arriti ta qetësonte turmën dhe t'i bindte të ktheheshin në shtëpitë e tyre. Kush mendoni ju se ishte prapa Dhimitrit dhe argjendarëve? Kush po i nxiste ata që t'i bënin keq Palit dhe të krishterëve? Ishte Satani, armiku i Zotit Jezus Krisht dhe i Kishës. Ai shpresonte se Pali dhe të krishterët do të vriteshin ose predikimi i Ungjillit do të ndalonte. Por Zoti është më i fuqishëm se Satani. Armiqtë e të krishterëve u zhgënjyen. Si rezultat i asaj çfarë kancelari tha, kryengritja u shpërnda dhe njerëzit shkuan në shtëpi qetësisht. Satani përdori sulmet e Dhimitrit dhe argjendarëve të tjerë që të mos linte Kishën e Zotit Jezus të rritej. Ai nuk do që njerëzit ta dëgjojnë Ungjillin dhe t'i besojnë Jezus Krishtit si Zotit dhe Shpëtimtarit të tyre. Në qytete të tjera të krishterët u rrahën, u futën në burg- pronat e tyre u morën madje edhe u vranë. Megjithatë në mes të këtyre ngjarjeve, gjithnjë e më shumë njerëz vunë besimin e tyre te Krishti. Ai është më i fuqishëm se Satani.

FIGURA 5-3

Edhe sot Satani vazhdon të përdorë armën e tmerrshme të persekutimit duke dashur të pengojë Kishën e Jezus Krishtit. Ai nuk do që njerëzit sot të dëgjojnë Ungjillin. Në shumë vende, në se predikoni Ungjillin, ju mund të vuani shumë për shkak të tij. Në disa vende, shumë pastorë dhe mësues mbahen në burg sepse kanë predikuar rreth Zotit Jezus. Ata janë futur në burg me vite duke iu nënshtruar punës së rëndë dhe duke ngrënë shumë pak ushqim. Ata shpesh janë të uritur tmerrësisht, të lodhur, të vetmuar për shkak të Zotit Jezus. Në gjithë botën shumë të krishterë akoma po ekzekutohen me vdekje meqë qëndrojnë dëshmitarë besnikë për Krishtin.

Megjithatë, Satani nuk mund ta shkatërrojë Kishën e Perëndisë. Zoti Jezus tha, "Unë do të ndërtoj kishën time dhe dyert e ferrit nuk do ta mundin atë" (Mateu 16:18). Zoti është duke shpëtuar njerëz në gjithë botën çdo ditë. Kisha po rritet. Satani nuk mund ta mposhtë Perëndinë, as dhe nuk mund ta shkatërrojë Kishën. Në vend që Satani të shkatërrojë Kishën, një ditë Zoti Jezus do ta shkatërrojë Satanin.

Ne, që jemi të krishterë, duhet t'i kujtojmë shpesh në lutje vëllezërit dhe motrat tona në familjen e Perëndisë që po vuajnë për shkak të Ungjillit në vende të tjera. Kisha është një familje, një trup. Kur njëri vuan, ne të gjithë vuajmë. Po kështu është edhe në familjen tuaj njerëzore: kur vëllai apo motra juaj është e sëmurë, ju ndjeni preokupim për ta. Në se ju jeni një pjesëtar i familjes së Perëndisë nëpërmjet besimit në Zotin Jezus Krisht, lutuni për mbrojtjen dhe ndihmën e Perëndisë për vëllezërit dhe motrat tuaja në Krisht që po vuajnë në vende të tjera. Bibla thotë te Hebrejtë 13:3 "Kujtoni të burgosurit si të ishit të lidhur bashkë me ta, dhe ata që keqtrajtohen, sepse edhe ju vetë jeni në trup."

FIGURA 5-4

Satani nuk e sulmon Kishën vetëm me anë të persekutimit. Ai gjithashtu sulmon me anë të mësimit të gabuar (doktrinës së rreme).

A e mbani mend kur po ju tregoja rreth vizitës së Palit në Kishën në Troas? Menjëherë pasi u largua nga Troasi, anija e tij erdhi në portin e Miletit. Pali kishte bërë plan që të takonte predikuesit dhe drejtuesit e Kishës së Efesit atje. Ai e la anijen, dhe ata u mblodhën së bashku, ndoshta në plazhin e Miletit. Pali i shpjegoi shumë gjëra drejtuesve të kishës së Efesit. Ai u tha atyre diçka që e bënte atë shumë të trishtuar. Le ta lexojmë se çfarë ai tha te Veprat 20:29 "Në fakt unë e di se, pas largimit tim, do të hyjnë midis

ju ujqër grabitqarë, që nuk do ta kursejnë tufën." Pali nuk e kishte fjalën për ujqërit që hanë dele, por "ujqërit për të cilët ai e kishte fjalën ishin burra që do të vinin për të predikuar, por jo Ungjillin e vërtetë. Këta mësues të rremë do t'i bënin keq tmerrësisht të krishterëve, të cilët do të mashtroheshin nga mësimet e rreme. Ata duhet të ishin barinj që do të ushqenin delet. Por, në fakt ata si ujqër po gllabëronin delet. Dhe kjo gjë ndodhi sigurisht pasi Pali vdiq. Predikues erdhën dhe u thanë njerëzve se para se dikush të shpëtohej, ata duhet të bënin shumë gjëra të mira dhe nuk mjaftonte besimi te Zoti Jezus Krishti për shpëtim. Natyrisht ky është mësim i rremë. Askush nuk mund të shpëtohet apo të shkojë në qiell duke u përpjekur për të qenë i mirë. Vetëm në se i kthehemi Zotit Jezus, i cili vdiq në kryq për ne, mund të kemi falje të mëkatit dhe jetë të përjetshme.

FIGURA 5-5

Ka shumë predikues në gjithë botën që e duan me të vërtetë Perëndinë dhe predikojnë Ungjillin. Ungjilli na mëson që Zoti Jezus vdiq për mëkatet tona dhe vetëm nëpërmjet vdekjes së Tij ne mund të vihem në rregull para Perëndisë. Megjithatë, në disa kisha e vërteta e Ungjillit nuk është duke u predikuar. Djalli po e sulmon ende kishën sot me anë të mësuesve të rremë. Ata mund të jenë shumë të mençur dhe folës shumë të mirë, por në se nuk predikojnë mesazhin e vërtetë, predikimi i tyre është i gabuar dhe i padobishëm.

Edhe në qytetin tonë ka shumë njerëz që shkojnë në kishë të Dielave, por ata nuk janë duke dëgjuar të vërtetën. Ndërsa do të rriteni dhe do të vendosni se cilën kishë do të frekuentoni dhe në të cilën do të jeni anëtar, kini kujdes që të jetë një kishë ku shërbyesi mëson me të vërtetë atë çfarë Bibla thotë. Sigurohuni që ata predikojnë Ungjillin që ju keni dëgjuar në Klub. Ju mund të pyesni për shembull:

A mblidhet kjo kishë së bashku rregullisht për **t'u lutur**?

A dërgojnë **misionarë** për të predikuar Ungjillin në vende të tjera?

A e adhurojnë me të vërtetë Perëndinë dhe **studiojnë** Fjalën e Tij?

Ndoshta ju po merrni pjesë në mësim sot dhe Satani ju ka mashtruar që të besoni se ju jeni të mirë aq sa duhet për ta kënaqur Perëndinë. A ju ka bërë ai që të mendoni se ju nuk keni nevojë për Zotin Jezus si Shpëtimtarin tuaj? A ju ka thënë, "Mos mendoni rreth Perëndisë dhe mëkatit dhe gjithë këtyre gjërave tani! Ju jeni ende shumë të rinj! Satani ju ka gënjer, por dëgjoni Fjalën e Perëndisë sot. Ai thotë të vërtetën dhe Ai thotë se ju jeni një mëkatar. Ju keni bërë shumë gabime, keni menduar gjëra të këqija dhe keni thënë gjëra që nuk e kënaqin Perëndinë. Kështu ju nuk i jeni bindur

Perëndisë dhe mëkati ju ka ndarë prej Tij. Ju nuk mund ta shpëtoni veten. Lajmi i mirë është që Perëndia ju do aq shumë sa që dërgoi Birin e Tij të vetëm që t'ju shpëtojë. Ai vdiq për mëkatin tuaj në kryq. Ai u ringjall përsëri dhe është i aftë t'ju shpëtojë sot. Largohuni nga mëkatet tuaja. Mos i dëgjoni më gënjeshttrat e Satanit. Kthehuni drejt Perëndisë dhe thirrreni Atë që t'ju shpëtojë. Ai thotë "Kushdo që do ta thërrasë emrin e Zotit do të shpëtohet" (Romakëve 10:13).

FIGURA 5-6

Satani përdor persekutimin dhe doktrinën e rreme, por ai përdor edhe një armë tjetër për të cilën dua t'ju mësoj. Perëndia e udhëhoqi apostullin Pali të shkruajë shumë letra të cilat tani janë pjesë e Dhiatës së Re. Në një nga këto letra, të adresuara kishës në Korinth (një qytet në Greqi), Pali shkruan sepse ai është përsëri në dijeni të sulmeve të Satanit kundër kishës. Kjo e bënte atë shumë të trishtuar.

Të krishterë në Kishën e Korintit ishin ndarë në dy grupe të vogla. Disa prej tyre mendonin se Pali ishte predikuesi më i madh dhe ata e quanin veten "grupi i Palit". Të tjerë mendonin se një burrë i quajtur Apoli ishte mësuesi më i madh, dhe ata e quanin veten "grupi i Apolit".

Në letrën e tij Pali u shkroi atyre që të mos ishin aq qesharakë. Ai e krahason Kishën me një kopesh. Pali tha se ai është ai që mbjell farën e mirë të Fjalës së Perëndisë në Korint. Apoli erdhi pas tij për të ndihmuar dhe për të mësuar të krishterët; ai ishte si një njeri me një kanë uji që kujdesej për bimët. Por Pali pyet, "Kush e bën farën të rritet? A është Pali? Jo! A është Apoli atëherë? Natyrisht që jo! Le ta lexojmë përgjigjen e kësaj pyetjeje te 1 Kor.3:7 "Kështu, pra, as ai që mbjell, as ai që ujit, nuk është gjë, por Perëndia që rrit." Është vetëm Perëndia që jep jetë të përjetshme dhe rritje. Dhe Ai ia jep atë të gjithë atyre që i besojnë Atij. Perëndia i kishte dhënë jetë të gjithëve në Kishën e Korintit. Pse atëherë ata lejuan ndarjet të ndërhyjnë në kishë? Sepse Satani kishte përdorur armën e NDARJES për t'i dobësuar ata dhe për t'i bërë të grindeshin me njëri tjetrin, në vend që të ishin të bashkuar për të lavdëruar Zotin dhe t'i shërbenin Atij.

FIGURA 5-7

Satani vazhdon ta përdorë këtë armë të fuqishme në kishat sot. Në vend që të krishterët të adhurojnë Perëndinë, të luten dhe të studiojnë Fjalën e Tij, ngandonjëherë ata zihen me fjalë për gjëra që nuk janë me të vërtetë të rëndësishme. Të krishterët mund të jenë krenarë, ata mund të bëjnë thashetheme ndaj të krishterëve të tjerë dhe ata mund të thonë gjëra lënduese. Satani e përdor këtë që të nxisë ndjenja të këqija dhe të sjellë shqetësime midis të krishterëve, që ata të mos ta duan njeri tjetrin ashtu si duhet. Le të kujtojmë që Kisha është Trupi i Krishtit. Në një trup njerëzor të gjitha pjesët funksionojnë së bashku në unitet dhe harmoni. Po kështu edhe në Trupin e Kishës ne duhet të punojmë së bashku në paqe.

Kishat nuk janë të përsosura pasi të krishterët mëkatojnë dhe bëjnë gjëra të gabuara. Në se shihni të ndodhin probleme në mes të të krishterëve mos e lini këtë t'ju pengojë të shkoni në kishë për të adhuruar Perëndinë dhe për të dëgjuar Fjalën e Tij. Në të njëjtën kohë ruhuni, që të mos bini në kurthin e Satanit dhe të shkaktoni ndarje dhe probleme me të krishterë të tjerë. Në se njihni të krishterë të tjerë që zihen me fjalë

apo nuk janë më miq me njëri tjetrin dhe madje edhe nuk vijnë më në kishë për një grindje apo një problem, mundohuni të inkurajoni dhe t'i ndihmoni ata. Mbi të gjitha, lutuni për ta që Perëndia do t'u japë atyre fitoren mbi Satanin, dhe që ata do të kthehen shpejt në shoqërinë e Zotit dhe të të krishterë të tjerë. Ne kemi folur shumë rreth Satanit dhe sulmeve të tij ndaj nesh dhe të gjithë të krishterë që i përkasin Kishës së Zotit Jezus Krisht. Ai sigurisht që është një armik i fortë dhe dinak që shkakton dëme të mëdha me anë të armëve të tij të persekutimit, mësimit të rremë, ndarjeve dhe krenarisë. Ai është më i fortë nga ne. Por ai nuk është më i fortë nga Krishti që është i gjithëfuqishëm. Besojini pra Krishtit që t'ju japë fitoren mbi Satanin kur t'ju sulmojë dhe tundojë në mëkat. Kërkojini Perëndisë t'ju ndihmojë që të bëni atë që është e drejtë.

FIGURA 5-8

Një fakt të mahnitshëm që dua që ju ta dini është se një ditë Zoti Jezus do ta mposhtë Satanin plotësisht, dhe ta verë atë në një burg përgjithmonë. Atëherë ai nuk do të ketë më fuqi për të na sulmuar dhe tunduar. A nuk është kjo diçka e mrekullueshme të cilën duhet ta presim me mall? A ju kujtohet vargu që lexuam më parë gjatë mësimit; ata janë fjalët e Zotit Jezus Krisht, "Unë do të ndërtoj kishën time dhe dyert e ferrit nuk do ta mundin atë" (Mateu 16:18). Kjo do të thotë që Kisha e Krishtit do të dalë fitimtare ndaj Satanit në fund. Kisha është si një ushtri e madhe që godet në portën e kalasë së Satanit. Një ditë djalli do të dorëzohet dhe ne do të kemi një fitore të plotë nëpërmjet Kapitenit tonë, Zotit Jezus Krisht. Por edhe para se ajo ditë e lavdishme të vijë kur Satani të jetë mundur plotësisht përgjithmonë, ne mund të kemi fitore mbi të çdo ditë. (Mësues, këtu demonstro mësimin e vogël me objekt, me dhëmbëkrueset, fillin e kuq dhe gozhdën.)

Ju dhe unë jemi si kjo dhëmbëkruese. Ne jemi me të vërtetë të dobët. Shiko sa lehtë mund ta këpus. (Mësues, bëje këtë.) Satani mund të na tundojë dhe të na mposhtë, në se mbështetemi në forcat tona. Por Zoti Jezus është një Mik dhe Mbrojtës i fuqishëm. Unë do ta vë këtë dhembe kruajtëse tjetër pranë kësaj gozhde; unë do të vë edhe dhembe kruajtëse të tjera aty. Dhe unë do ta mbështjell fillin e kuq rreth e rrotull tyre që të jenë afër njëra tjetrës. Kjo është si të jesh afër Zotit Jezus që derdhi gjakun e Tij të çmuar për të qenë Shpëtimtari ynë. Tani njëri nga ju të mundohet ta këpusni dhëmbëkruesen. (Lëri fëmijët të përpiqen.) Ju nuk mundni për aq sa dhëmbëkruesa ndodhet afër gozhdës dhe bashkë me dhëmbëkrueset e tjera. Zoti Jezus mund t'ju bëjë të fortë kundër sulmeve të Satanit. Është gjithashtu shumë e rëndësishme për ne si të krishterë të jemi bashkë me të tjerë që e duan Zotin Jezus Krisht. Kisha nuk është e përsosur tani, por një ditë do të jetë, kur ne të jemi në Qiell me Zotin Jezus Krisht. Atje nuk do të ketë mëkat, persekutim dhe shqetësim. Ndërkohë, le të qëndrojmë pranë Zotit Jezus, Shpëtimtarit dhe Mbrojtësit tonë kundër Satanit.

VARGJE TE PËRDORURA NE KËTË MËSIM

Veprat 19:10 "Të gjithë banorët e Azisë, Judenj dhe Grekë, e dëgjuan fjalën e Zotit Jezus".

Veprat 19:20 " Kështu fjala e Perëndisë shtoej dhe forcohej."

Mateu 16:18 "Unë do të ndërtoj kishën time dhe dyert e ferrit nuk mund do ta mundin atë"

Veprat 20:29 "Unë e di se, pas largimit tim, do të hyjnë midis jush ujqër grabitqarë, që nuk do ta kursejnë tufën."

1 Kor.3:7 "Kështu, pra, as ai që mbjell, as ai që ujit, nuk është gjë, por Perëndia që rrit."

PYETJET PËRSËRITËSE PËR MËSIMIN 5

1. Sa qëndroi Pali në Efes duke predikuar Ungjillin?
2. Kush ishte perëndia pagane që adhurohej nga populli i Efesit?

3. Cili ishte emri i argjendarit që nxiti trazirë ndaj Palit dhe të krishterëve të tjerë që ndodheshin me të?
4. Si e përdor Satani në ditët e sotme armën e persekutimit?
5. Pse Pali ishte i trishtuar ndërsa fliste në plazh me drejtuesit e Kishës së Efesit?
6. Si e përdor sot Satani armën e doktrinës së rreme?
7. Kur të jeni rritur dhe do të zgjidhni një kishë të mirë në të cilën do të shkoni, ju mund t'i bëni vetes dy apo tre pyetje rreth kësaj, si për shembull "a e predikojnë Ungjillin e vërtetë?" Më thoni dy pyetje të tjera.
8. Shpjegoni ndarjet në Kishën e Korintit.
9. Pali, në letrën e tij e krahasoi Kishën me një kopesh. A mund ta shpjegoni këtë krahasim ndopak?
10. Si e përdor Satani armën e ndarjes në kishat e sotme?
11. A mund t'i shpjegoni fjalët e Zotit Jezus, "Unë do të ndërtoj kishën time dhe dyert e ferrit nuk mund ta mundin atë"?
12. A mund të ma shpjegoni pak ilustrimin e gozhdës dhe kruajtëses së dhëmbëve?

Përmbledhja e hapave për këshillimin e fëmijës që dëshiron të bëhet i krishterë

Sigurohu që fëmija ka kuptuar

Perëndinë

Kush është Perëndia?

Perëndia na bëri. Ai na flet nëpërmjet Biblës. Perëndia është i shenjtë dhe i pastër. Ai na do ne.

Mëkatin

Çfarë është mëkati?

Mëkati është mosbindje ndaj urdhërimeve të Perëndisë. Është kundër Perëndisë.

Flisni rreth mëkateve specifike.

Fëmija është mëkatar në natyrë dhe në veprim (ne mëkatojmë sepse jemi mëkatarë).

Mëkati meriton vdekjen.

Shpëtimtarin

Kush është i vetmi që mund të të heqë mëkatin?

Perëndia Bir vdiq në kryq për mëkatarët. Zoti Jezus u ringjall prej së vdekuri. Ai është Zot mbi të gjithë.

Shpjegoni se si mund të shpëtojë

Shpjegoni se çfarë dëshiron Zoti që të bëjmë ne dhe çfarë do të bëjë Ai.

Përdorni një varg biblik (*Gjoni 1:12; 3:16; 6:37; Veprat 16:31; Romakëve 6:23 or 10:13*).

Çfarë dëshiron Zoti që të bësh? Çfarë do të bëj Zoti?

Paralajmëroni për vështirësitë.

Pyesni: "A dëshiron t'i besosh Krishtit, apo do të doje të prisje?" Inkurajojeni fëmijën që të lutet me zë (nëse është gati).

Flisni për sigurinë e shpëtimit

Kthehuni tek vargu që përdorët. Flisni për një jetë të ndryshuar.

Tregojini se çfarë mund të dijë një person që i beson vërtetë Krishtit.

Jepini (më vonë) disa udhëzime për jetën e krishterë

Lexoje dhe bindju Biblës tënde.

Flit me Perëndinë Atin tonë Qiellor.

Tregojni të tjerëve se çfarë ka bërë Zoti për ty. Kërkoji Perëndisë që të të falë kur mëkaton. Takohu me të krishterë të tjerë .

Mbaj mend premtimet e Perëndisë : *"Nuk do të të lë, nuk do të të braktis"* (Heb 13:5).